


漁洋山人精華錄

三







魚洋山人精華錄卷六

門人候官林佶編

今體詩

送孫無言歸黃山四首

昨夢黃山碧溪月白雲三十六峯深朝來卻送滄洲逸興發還為吳會吟

未能采藥入青城且傍浮丘畢此生知君西渡松明水已有羣仙抗手迎

天都瀑布勝匡廬硃砂湯口三千頃石筍凌空一萬株更問黃山奇絕處

廣陵市上賈人子袞袞錢刀劇可憐惟爾山中紫芝客
閉門高枕夢遊仙

送彭十羨歸粵二首

大姑彎彎睂黛長小姑窈窕宮亭粧三日潯陽風信到
雙姑早晚嫁彭郎

萬里南荒弔尉佗芭蕉林裏越禽多好將延露新翻曲
乞與珠娘蹋臂歌

真州懷家兄西樵

依然山郭與江樓長夏蕭條只似秋十里香生芰荷水
亂蟬聲送木蘭舟試尋戰壘連京口無數雲山指石頭
曾與坡公吟賞地對牀風雨戀真州

秦淮泛月宿青溪有寄二首

移船就明月鼓楫泝淮流明月雲中出流光水上浮三

更吹玉笛銀漢瀉涼秋長板橋頭柳誰家尚倚樓
一宿青溪柵還悲張翼華黑頭江今宅亦作段侯家壘
號韓擒虎商歌玉樹花都將東郭筆寫恨寄天涯

故中山西園

上公邱第舊西園水石蕭然絕世喧無復秋蘭被長坂
祇餘修竹映朱門蕭曹事業終歸盡江孔文章莫更論
日暮風煙愁客思治城南是謝公墩

臺城懷古二首

覆舟山畔古臺城故壘參差觸目驚蔓草縈烟野蕭瑟
寒禽將子水縱橫紫雲黃鵠符終驗白馬青絲識又成
千載華林宮館路清明時節野棠生

傳檄風生南雍州蕭郎三十冠諸侯蘭陵家國偏多故
荆楚干戈且未休遺老空聞龍瀆語荒原都作雉媒秋
可憐代景行師日水到青塘咽不流

登雞鳴寺

雞籠山上雞鳴寺紺宇凌霞鳥路長古埭尚傳齊武帝
風流空憶竟陵王白門柳色殘秋雨元武湖波澹夕陽
下界銷沉陵谷異楓林十廟晚蒼蒼

雞鳴寺眺後湖二首

禁地傳清切依依白下城恩波連太液別苑起昆明湖亦號昆明
野水鳬鷗遠斜陽菡萏生不須搖落日陵谷已含

情

魚鳥華林路渟泓復此湖三秋人易怨八代感何殊蕭
寺寒聲急鍾陵返照孤塘蒲今已晚憔悴庾肩吾

題秦淮水榭

冰簾胡牀水上頭起看纖月映淮流三更入破誰家笛
子夜聞歌何處樓澹澹星河耿斜照娟娟風露作新秋
謝郎今夕思千里獨對金波詠四愁

題靈谷廢寺

為愛蔣山山色好筍輿終日不逢人杖藜入寺花扶屐
巖谷迎秋雨墊巾王舍城中荒草偏樂遊原上野麋春
誌公衣履今還在苑外悲風卧石麟

尋半山堂遺址

舒王歸卧後卜築蔣山邊騎驢衣掃塔來徃穴林前空
山無舊業欹澗但懷烟太息元豐事江城聞杜鵑

蕭思話彈琴石

宋代蕭常侍彈琴于此山清徽汎松石逸響碧雲間我
欲尋遺跡風流不可攀惟餘遠江水朝夕送潺湲

瓦官寺

江色斜陽下來過古瓦官勇如驃騎少阮思曠戲何驃騎
勇邁終古乃圖作佛癡似虎頭難梵響流空寐松聲覆殿寒逍遙能解否試

問道林看

荅朱錫鬯過廣陵見懷之作時謁曹侍郎于雲中
桃葉渡頭秋雨繁喜君書札到黃昏銀濤白馬來胥口

破帽疲驥出雁門江左清華惟汝在文章流別幾人存
曹公橫槊懸相待共醉飛狐雪夜樽

夜登觀音巖弘濟寺贈終南融道人

登臨建業暮鐘時楚客憑高一寄思森森寒潮孤鳥去
冥冥微雨數帆遲遠江人語驚山鬼方丈燈明叩導師
借問龐眉老尊宿空山雨雪是前期

懷陳伯璣二首

當代陳無已棲樓竟白頭三洲歸作客五字遠工愁溢
浦風潮滿匡山水葉秋經年斷消息何事只淹留
公子秦川貴飄零感盛時田園非阮曲別業寄鳩茲擲
拂名僧對吟詩小婦知秦淮舊風月衰柳幾行垂

將往金陵冒辟疆攜歌兒見過同方坦菴先生杜于皇方邵村崔不雕小集

天涯倦客此宵同銀燭湘簾五夜風殘月空堂絃拉襟早潮江岸唱玲瓏鶯花上日連秋社絲竹中年感謝公明發白沙洲上棹橘林楓葉雨濛濛

夜泊江口聞笛寄家兄西樵四首

雲水正寥落笛聲何處生颯然秋思滿不覺有離情涼月閣邊水西風江上城何須武溪曲辛苦怨南征

揚子江頭月流光千里餘美人臨水別隔歲幾行書霜落吹羌笛烟深聞夜漁調高風籟寂流怨滿空虛半夜蒼龍吟能傷夢客心離人歌水調清怨激楓林估

舶不能發江波此夕深夜寒沙雁起縹緲竟難尋

李暮天寶伎裂竹老龍驚此夜瓜洲渡風高白浪生精靈泣相語雲月皓將盈入破那能寐依依隴水清

題弘濟寺方融道人壁

曾挈軍持伴領軍五年重訪廩麋羣天花尚散空江雨龍氣仍蒸下界雲餅拂不辭衝虎過旃檀常是逆風聞聽鐘又逐驚蓬去山水蒼蒼落日曛

渡江中流作

擊汰金陵岸溶溶曉氣分潮迴落沙嶼帆遠入江雲霽景中流見秋風天外聞時清餘戰壘重弔水犀軍

皇廠河道中二首

繫纜臨江滸沿洄復幾重沙鷗荷港雨水梓柳塘風潮
汐時皆應烟波態不窮欲從詹尹卜來作祝雞翁
雲影稻畦浮清泉更曲流江鄉宜晚照水草入涼秋沙
鳥飛還歇菱絲散復留漸臨瓜步岸花外幾漁舟

憶明湖

一曲明湖照眼明越羅吳縠剪裁輕烟巒濃澹山千疊
荷芰扶疎水半城歷下亭中坐懷古水西橋畔卧吹笙
鵲山寒食年年負那得樵風引棹行

題孫豹人小像

絕磽長松不世情科頭箕踞一先生胷中磊塊無人語
落落琴聲大蟹行

錦秋湖竹枝三首

鶩鴨城邊望不稀汀洲水長荻芽肥慕容事遠傷春目
斜日金鵝接翅飛

錦湖水色勝湘湖雉尾尊羹玉不如持謝江南陸內史
酪漿還得似渠無

不論烟櫂與霜篷帆力真禁八面風北易南鱸誰辨得
憑君博物注魚蟲

白沙江上雪卻寄家兄揚州

停舟揚子縣支枕夜寒侵人語烟初暝雞鳴雪漸深江
天多曠望漁浦極楓林不見梅花閣烟波愁暮心

真州北郭即目

同雲壓江城曉出真州郭郭外班竹林風吹殘雪落

魏文帝賦詩臺在儀真北三里

城子山邊欲雪時賦詩臺畔起愁思五官只自臨江歎

笑殺孫郎帳下兒

盱眙懷常尉建

昔賢矜柱笏偶寄一微官小邑如山幽高名薄建安夕

鐘千澗靜春雪九峯寒一勺玻璃水懷人向夜闌

奉酬西樵先生閣夜聞鶴之作

楚江烟鶴鳴風雪蕭蕭夜十載別離心相對寒燈下

人日登真州天寧寺浮圖懷李退菴侍郎

蹋閣攀林到上方振衣千仞俯蒼蒼江阜騁望傷春目

人日登臨憶侍郎枚叔才情傳七發楚臣清怨極三湘

李有憶洞庭詩取工

何時問疾來方丈乞取天花作道場

讀費密詩

成都跛道士萬里下峨岷虎口身曾拔蠶叢句有神大
江流漢水孤艇接殘春二句密詩十字須千古何為失此人

送家兄西樵遊黃鶴山

抱琴向黃鶴言訪戴公家山路霽春雨遠江明落霞風
吹石楠樹露泣櫻桃花明日西津渡從君問釣查

金陵道上

乍疎乍密秧針雨時去時來舶棹風五月行人秣陵去
一江風雨畫濛濛

一鑑樓與方爾止夜坐懷施愚山臨江

牛頭高處宿初夏似涼秋蕭颯青林外西風月滿樓故人皖山隱高詠繼前修共憶蕭江客清猿起夜愁

雨夜宿德雲菴

精舍千峰上禪關掩白雲下方羣動息風雨夜深聞瀑布遙爭落松聲溼不分卻愁屐齒滑絕頂閉氤氳

德雲菴曉起

宿鳥驚寒解報更夜聞林雨達天明迢迢絕澗千重瀑

寂寂中峰一磬聲

雨中將往華山同爾止坐紫峰閣

寂歷山中雨僧房晝掩門還來紫峰閣解帶共清言危

溜千巖落中峯一澗喧誰知江令宅今是給孤園

花山道中即事

萬山堆裏看雲松曲崦幽溪復幾重為愛泉聲過林去不知烟寺遠聞鐘

尋舊院遺址同方爾止

香艷消沉盡空尋舊板橋人稀春寂寂事去雨瀟瀟黃蝶飄寒圃青溪咽暮潮驚峰寺前柳搖落亦魂銷

淳化關道中望茅山

解組初辭郡離羣欲上浮懷仙來向曲采藥到茅州東望朱陽館常思許遠遊何當餌南燭頹景駐千秋

雨宿山家二首

隱康王谷讀書章貢樓君所居曰章貢讀書樓悲哉耆舊盡流水咽

三洲

蔬枰圖詩為宋射陵作

相逢射陵叟獨見古人心解作一生事蕭然三徑深忘
機成老圃抱甕偃空林銅輦他年夢依依直到今

花朝道中有感寄陳其年三首

漁陽三月無芳草客思離情不奈何此日淮南好天氣
青鶲尾蘸鴨頭波

三月嬉春射雉城鉢池新水縠紋生紫雲低唱靈籬拍
愛忍春寒坐到明

風俗淮南古禁烟紅橋解禊雨晴天酒徒散盡楊枝別
說着花朝一惘然

鄒衣白畫

鬱岡山下雨瀟瀟山店寒更斷簾譙遙憶青溪楊柳岸
一篙新綠漲江潮

方諸玉具碧雲間也擬遊仙駕鶴還一夜潺湲秣陵雨
白羊門外失茅山

金陵輓陳士業先生兼寄伯璣三首

昨朝揚子縣遠寄豫章書五字詩殊妙三都序不如士業
論詩絕句便為絕筆人來青溪曲葉下白門初再有西江信真成腹痛餘

板蕩崇禎末先生宰晉州中山翻得謗益博竟同收歸

隱康王谷讀書章貢樓

君所居曰章貢讀書樓

悲哉耆舊盡流水咽

三洲

蔬枰圖詩為宋射陵作

相逢射陵叟獨見古人心解作一生事蕭然三徑深忘
機成老圃抱甕偃空林銅輦他年夢依依直到今

花朝道中有感寄陳其年三首

漁陽三月無芳草客思離情不奈何此日淮南好天氣
青鶯尾蘸鴨頭波

三月嬉春射雉城鉢池新水縠紋生紫雲低唱靈雕拍
愛忍春寒坐到明

風俗淮南古禁烟紅橋解禊雨晴天酒徒散盡楊枝別
說着花朝一惘然

鄒衣白畫

雲嵐半幅落人間衣白山人去不還卻憶題詩東澗老

夕陽松本出關山

末七字廩山翁題白衣畫句

胡元潤畫

白波青嶂非人境憶住江南過五年今日長征老鞍馬
菰蒲春雨夢江天

一冊小景

一冊西風曉鏡鋪家家網得四腮鱸水鄉風味江南思
何日扁舟鶯脰湖

樊折畫

曾經草輶夾望見清涼山秋雨暗江浦數帆烟際還披
圖思建業欲徃路間關因送江南客題詩慰別顏

趙澄畫

江南春意到寒梅曲崦廻汀幾樹開銅井銅坑風雪裏

曾欹烏帽跨驢來

石谿畫

慈竹林中一徑微曾尋石窟叩禪扉雲山舊衲渾忘卻
欲借僧離壞色衣

趙北口見秋柳感成二首

順治乙未予上公車與家兄吏部傳形臣御史賦柳枝詞於此忽三十餘年矣限柳婆娑無復曩時不勝攀折條之感因賦是詩

十二年前乍到時板橋一曲柳千絲而今滿目金城感
不見柔條腕地垂

六載隋堤送客驂樹猶如此我何堪銷魂橋上重相見

一樹依依似漢南

子舊賦柳枝有句云銷冤橋上銷冤樹不到飛花魄亦銷

周量近耽奕以詩調之并示湘北

畫省垂鞭薄暮迴文楸方罿鎮常開知公欲厭承明直

徑賭宣城太守來

送隱巖道人之五臺繹堂周量茗文湘北同作二

首

道人江左秀十載住蘋蘆獨向清涼去隨身智杖扶峰
峯餘積雪了了見文殊亦欲游方外從師問苾芻
曼殊行道處猶現海螺城摩詰無文字豐干識姓名綻
衣寒事早兜鉢毒龍驚殺活從渠會依然草一莖

荅梅淵公贈畫兼寄唐祖命二首

鳥哢屏風明鏡開青溪水色碧瀠洄琴高三月登春網
一日谿頭醉一回

年來八詠憶休文耕鴻先生袂又分好是謝家團扇上
相思為畫敬亭雲

送吳天章歸中條二首

二月春燕綠紛紛蝴蝶飛花朝逢暮雨寒食減征衣道
路誰知已登臨不當歸中條多水竹此去掩荆扉
愛汝王官谷他年擬借居三峯當戶牖五姓足樵漁田
舍堪懷古茅茨宜讀書獨憐好身手歸去注蟲魚中條山

下有五姓湖

題胡玉昆宋梅圖為程翼菴

風雨厓山事杳然故宮疎影自年年何人寄恨丹青裏
留伴冬青哭杜鵑

送耿承哲赴高州推官二首

見說高涼郡遙遙八桂鄰駱田潮上下蠻弩瘴冬春蚌
暈連珠浦冰綃獻海人酌泉君有意知不厭清貧
何代名藩地軍城徧草萊轅門飛鳥落行殿野棠開感
激礪州蹕悲涼洗氏才撫時思將略巾幘亦雄哉

瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花紅明
鏡生瀟照清流澹惠風別來一千日相見瞻瓶中

魯連陂上路十里白蓮花遙夜孤舟泊無人山月斜斷

橋三汊水籬落樂漁家江市垂楊岸何人繫釣查

宗梅岑畫紅橋小景見寄賦懷二首

辛夷花照明寒食一醉紅橋便六年好景匆匆逐流水
江城幾度沈郎錢

紅橋秋柳寂多情露葉烟條遠恨生好在東原舊居士
雨窓著意畫蕪城

荷蘭刀劍 大小凡八枚

憶戰金門島王師大合圍寒芒生海外真見著胷飛

荷蘭四馬 二青二赤鳳膺鶴脰日可千里

龍種來西極蘭筋怒不羣鼓車應待汝不用簾浮雲

西洋四白小牛白質斑文長二尺高一尺七十項有肉峯

米公集卷之二
豈是流沙種還疑果下駒寄言熊虎質不敢恃牙鬚

過草橋橋西二水清濁劃然至橋東乃合流土人

云清者自西山來濁者渾河也

垂楊匝地板橋橫沙路青驥得行偶坐濠梁忘日暮
可憐泉水在山清

朱錫鬯自代州至京奉柬

短後曾將代馬騎談兵絕塞偃牙旗錦囊舊事悲唐壘
碧玉春流寫晉祠燕市雪深衣褐敝吳江楓落酒船遲
鴛湖若買三間屋得便從君下釣絲朱有晉祠記取工

為高念東侍郎題文衡山畫二首

驢影凌兢冬氣昏危亭孤棧簇烟村披圖正有溪山夢

風竹蕭蕭雪擁門

凍合千山鳥不飛梅花香裏蹋清暉先生只向江南老
不見天山雪打圍

送宋牧仲別駕歸黃州

詞賦梁園憶勝遊一麾雲夢澤南州三分誰似周郎少
九辯深知宋玉愁烏鵲南飛河漢轉大江東去古今流
山川如此容高翥羨汝黃泥坂下舟

林逋梅鶴

為蒲州杜公題趙承旨襍畫

郭索鉤輪句尚傳妻梅子鶴致蕭然不知他日朝元殿
誰上汾陰饗祀篇

漁父

風送三江雉尾尊青鱸紫鯆正時新故家零落遺民老
恐是當年汐社人

磨鏡

磨鏡一錢無不可市中遊戲亦悠哉黃塵碧海須臾事
負局先生自往來

馬

十二天閑立仗齊何來龍種大宛西即教得遇雄才主
不少黃金鑄裏蹠

打毬

如弦馳道接長楸紅鬢嘶風滾畫毬日暮蹋花歸去晚
德陽宮北苑東頭

三月晦日公賦招同曰緝玉丸茗文周量玉隨湘

北子端集河樓得絕句五首

下直經旬髮不梳河樓高會剪春蔬已喜綠蒲藏睡鴨
更燒紅燭射遊魚

御河楊柳盡飛花露葉烟條拂狹斜十五年前曾繫馬

數株初種不勝鴉

順治乙未曾與諸君宴集此樓

櫻桃初熟紅藥開相逢且覆掌中盃新詩樂府誰多少

鬪取旗亭畫壁來

濟南山水天下無剩水殘山還自殊仕宦幾人為令僕
十年冷落鶴山湖

腸斷江南盛小叢三年禪榻過春風不緣今夕相料理

枉負花枝映肉紅

送戴務旃遊華山

搊蟲雄談事等閒餘情盤薄寫孱顏洛陽貨畚無人識

五月騎驢入華山

題文與也為梁曰緝畫江村讀書圖二首

門外漁航箇箇輕春流滑笏縠紋平江花江鳥不相識
寫向丹青俱眼明

停雲家世紅欄里相國風流異代傳昨見明牕寫江練
諸孫才調又翩翩

為苕文題焚香掃地圖

朱門鼎鼎厭梁肉忍饑誦經無此人娜如山中好泉石

他年真作益家鄰

竹枝三首送陸冰修

白翎雀飛山雪寒譜入琵琶馬上彈沙鷗瀨鶩春江上

蘆葉青青水滿灘

北人不識竹枝歌沙磧春深牧駱駝南人苦憶江南好
明鏡夾城春始波

才過蘇州是秀州垂虹亭下水爭流吳山的的迎客
吳女摻摻解蕩舟

大司馬龔公招同劉公戩吳王隨梁曰緝汪苕文

程周量李湘北陳子端陳其年集城南餞送董

王虬御史赴隴右分用杜公秦州詩韻得閒字

天字

送遠逢秋社西風歧路間單車三輔客鄉夢五湖山折
檻心元苦乘槎使未還隴頭嗚咽水想像鬢毛斑
隴阪高無極西行欲上天秦州秋望闊寥落幾烽傳戍
鼓連天水長城到酒泉營平方略熟吹角罷防邊

為王山史賦獨鶴亭

園林華山下水石遠人間獨鶴來江海蕭然相對閑博
臺殘雪散仙掌片雲還騎向三峯頂遙遙不可攀

再為曰緝題江村圖

西臺御史馬步工下直垂簾送飛鴻高堂雪霽展圖画
興在春江烟靄中

送陳其年歸宜興二首

與君五載揚州夢細馬吟春皂莢橋歲晚幽州復相送
九門風雪壓盤鵠

送客魂銷楓樹林買田陽羨舊同心花枝照眼蝦籠嘴
未得從君弄渚禽

獄下作

嶽路清和候氤氳望不稀林園收宿雨石瀨濺人衣班
馬紅亭渡溪禽白練飛買山隨處好終日戀清暉泰山有
紅亭左傳大蒐于紅即此自練紅練鳥名

徂徠懷古二首

徂徠林壑美復愛竹溪清應有雲霞侶幽居遠世情釣

竿想巢父酒態憶長康寂莫空山道寥寥千載名

當年石守道卜築亦于斯時際昇平日人傳慶曆詩子

孫留伏臘

山中上王村
今尚多石氏

水石映茅茨直道今誰繼淒然汶水

濬

徂徠山下田家

行行空翠裏明晦更多姿碧樹通村路青山向嶽祠林深雞犬靜雨足隴苗滋他日龜陰稼躬耕亦不遲

羊流作

山勢圍荒壘猶傳太傅城風流一銷歇華表只縱橫落日高平道殘碑峴首情當年墮淚處鬢歸見平生

題尤展成新樂府三首

南苑西風御水流殿前無復按梁州飄零法曲人間遍誰付當年菊部頭

展成樂府順治中曾進御覽

猿臂丁年出塞行灞陵醉尉莫相輕旗亭被酒何人識射虎將軍右北平

千金七首土花斑兒女恩讐事等閑他日與君論劍術要離塚畔買青山

題黑白衛傳奇

冬日讀唐宋金元諸家詩偶有所感各題一絕于

卷後凡七首

元和碑版照千春孔鼎湯盤跡未湮今古才人困箕口祇應牛斗不能神

退之

星宿羅胷氣吐虹屈蟠兵策畫山東黨牛怨李君何與

青史千秋有至公

牧之

慶曆文章宰相才晚為孟博亦堪哀淋漓大筆千年在
字字華嚴法界來

子瞻

一代高名孰主賓中天坡谷兩嶙峋辨香只下涪翁拜
宗派江西第幾人

魯直

射虎山南雪打圍狂來醉墨染弓衣函關渭水何曾到
頭白東吳萬里歸

務觀

載酒西園追昔遊畫欄桂樹古今愁蘭成剩有江南賦
落日青山望蔡州

裕之

漢庭老吏果無慙揭後楊前總未堪愛咏君詩當招隱
青山一髮是江南

伯生

愚山至都門同荔裳顧菴繹堂湟濱小集家兄西

樵邱舍同用初字

爾駕琴高赤鯉魚偶來京洛慰離居樽前兄弟狂猶昔
袖裏詩篇錦不如斜日竹梧新霽後明燈池館夜涼初
幾年南北相思切今夕論文一起予

和汪樊桐工部

孝陵于役詩二首

十載遺弓劍銀池即鼎湖地形圓御宿雲氣滿蒼梧原
廟青山合松楸白日孤當年侍臣在沾灑向春蕪
地是周原舊人知漢道昌千秋傳畢郢萬戶衛咸陽流
水環宮寢春花上綃牆下陵一迴首王氣鬱蒼蒼

題張魏公墨蹟後

淮西白骨接苻離三十年中幾喪師太息長城君自壞

軍中空卓曲端旗

王筠倡畫草蟲為大司寇梁公題二首

髯翁任誕如忠恕脫屣朱門傲五侯肯為尚書寫幽興

碧花紅穗草堂秋

一幅丹青顧野王草根纖意曲籬菊風懷磊落如公少
便注蟲魚也未妨

送秦留仙太史歸梁溪

我鼓湘靈瑟君彈昭氏琴房櫂激流徵太息感知音古
塞鴻聲遠離堂燭淚深臨觴忽不御為爾一沉吟

送愚山遊嵩少

祖道青門秋氣深川原風葉亂寒砧嵩雲洛日遙相憶
魏闕江湖共此心八節灘高晴亦雨三花樹古晝長陰
陵陽歸去名僧社卻聽微鐘憶少林

聞林茂之先生已葬鍾山

萬古鍾山下今成有道阡龍蟠高士宅狸首故人憐老
尚歌朱鳥魂應拜杜鵑何時磨鏡具一問秣陵船

送張賓山學士歸廬陵

迴首輒移別紫宸孤舟遙下富川濱誰令江外漁樵侶
爭識先皇侍從臣上殿似聞辛慶忌行吟休擬夢靈
均千秋公議存青史應為朝廷惜此人

送董樵歸成山兼寄宋澄嵐先生林寺孝廉

漢家祠日主遺跡成山中吾子千秋意棲遲滄海東涼
天朝放鶴雪鳴夜聞鐘問訊河汾叟東歸道未窮

送孫古惶赴南靖

萬里無諸國孤帆直向東盤餐登馬甲井邑枕鮫宮禁
舶人烟少懸針職貢同孫郎還嫵媚真有紫鬚風

盧師山

盧師昔日經行地惆悵蒼崖古木風寂憶深秋飛瀑下
四山寒葉亂流中

皇姑寺

皇姑寺前人日晴畏吾村畔草痕生山桃堤柳自春色

粥鼓鐘魚非世情鐵券南宮憐將相黃沙北狩誤公卿
獨慙扣馬輸巾幘天市星文幾夜明

退谷見朱錫鬯李武曾潘次耕蔡竹濤題名時朱

在廣陵李在黔南潘蔡在太原

故人消息比何如萬里江湖歲又除山寺到來先一笑

春風石壁見君書

曉起至五華寺尋水盡頭作

退翁亭子蒼崖前五華古寺當其顛殘僧夜雪煨芋火
童子開門尋澗泉石壁空青散雲錦金沙照曜浮清漣
他時把酒蘿陰下風墮巖花鳥帽偏

裂帛湖雜詠六首

裂帛湖光碧玉環人家終日映潺湲分明一幅蔡侯紙
寫出湖南千萬山

淋池十里芰荷風太液西來一派通應有恩波下黃鵠
年年流入建章宮

水軒面面似船窓沙燕鷗盡作雙忽憶夢迴聞棹鼓
一枝柔艣破烟江

宣宗玉殿空山裏簫鼓樓船事已非何似茂陵汾水上
秋風南雁淚沾衣

石甃山頭歸片雲望湖亭上倚斜曛紙錢杜酒棠梨道
不到湖邊耶律墳

萬樹垂楊掃綠苔桃花深映槿籬開遊人盡說西隄好

須及清明上已來

贈謝方山舍人二首

歷落嶽嵩可笑人朝衫猶自染京塵深憐謝客吟詩好
莫訝王郎斫地頻三月鶯花連下杜廿年車庫感平津
青絲挈酒高梁水取次東風解禊辰

舍人簾閣畫瀛香下直清齋似太常昨日同尋烟際寺
題詩多在贊公房晴溪冰雪寒逾好風磴莓苔滑不妨
騎馬城南春又暮幾廻西笑憶滄浪

題新樂縣驛壁寄宋荔裳

當年霧夕詠芙蓉促席傳觴樂未疎名忝應劉七才子
龔芝麓梁著
座傾沈范兩尚書龔二宗伯飛星過漢無留影萍葉隨

龔芝麓著

龔二宗伯

飛星過漢無留影萍葉隨

潮少定居猶有前期不相負秋來同釣錦江魚

雨中度故關

危棧飛流萬仞山戍樓遙指暮雲間西風忽送瀟瀟雨
滿路槐花出故關

冷泉關道中

南徑雀鼠谷崎嶇殊未休路隨千嶂轉峽束一川流灘
急長皴雨蟬嘶畏及秋雲峰將落日立馬迴含愁

國士橋

國士橋邊水千年恨未窮如聞柱厲叔死報莒教公

猗氏往蒲州道中有感

令狐城畔雨霏霏遙指中條積翠稀西接新秦三輔迴

東鄰故絳兩川圍空聞魏國山河美久識唐家節度非
愁絕無心更懷古清秋風景亦沾衣

望中條山

今朝美風日望見中條山青嶂有時隱白雲隨意還泉
飛幽谷裏鳥轉竹林間欲訪韓終去菖蒲駐好顏

河中感懷寄諸兄

何處依依動客愁蒲津雲物迥高秋河聲近挾中條雨
關勢遙分太華旒人代茫茫雙去鳥夕陽渺渺獨歸舟
京華故國俱千里心折西風鶴雀樓

中條山下作

中條初日上嵐彩變朝昏芳樹重重鳴流泉曲曲村河

流趨底柱山勢鎖關門借問王官谷貽溪跡尚存

望見華山

蒲坂南來問釣船風陵堤上隔風烟黃河一曲流千里
太華居然落眼前

潼關

潼津直上勢嵯峨天險初從百二過兩戒中分蟠太華
孤城北折走黃河復隍幾見熊羆守棄甲空傳犀兕多
漢闕唐陵盡禾黍雁門司馬恨如何

華陰道中

平田漠漠稻花香百道清泉間綠楊二十八潭天上落
無人知是帝臺漿

華州道中

地古弘農郡雲峰去不窮泉飛名岳雨稻熟野塘風漕
輓通河渭雄關界華嵩唐家傳七世何事失山東

華州齊雲樓

唐昭宗望京慶

齊雲樓上望京師渭水東流無盡時父老尚傳行幸日
教坊曾譜斷腸詞城空只見雙飛燕劫敗猶爭一局棋
莫問寒烟十六宅土花凝碧至今悲

遇仙橋即事

浮雲收渭北初日照終南馳道連秋水官橋度曉驂人
烟生浦樹鳥語入晴嵐欲訪漁川隱蘆中有釣菴漁川

渭南道中

秦川秋色迴四望極風烟樹隱金椎密花開玉井鮮水光浮蓮音華勺山翠入藍田往昔長安道孤城近日邊

豐原

豐原高不極原上行人度秋晴渭川望遙見藍田樹

渭南望灤園寄南鼎甫僉事

濶曲風煙好新秋望灤園池通清渭水花暖紫蘭村西蜀天邊節南宮雪夜樽十年鴻爪意愁絕詎堪論

驪山懷古八首

鸚鵡何年問上皇野棠風折繚垣長銷魂此日朝元閣

親試華清第二湯

滿路香塵拾墮鉛諸嬈五隊夾城邊花開繡嶺看調馬
雪下離宮有賜錢

舞罷驚鴻歲月徂長門深閉長青蕪君王自愛霓裳序
不記樓東一斛珠

內殿傳呼菊部頭梨園弟子按梁州善才零落龜年老
渭水猶明羯鼓樓

蜀王音信渺天涯青鳥西飛日又斜斷粉殘香誰得見
承恩只有王蓮花

鳳凰原下鹿槽旁號國夫人有賜莊無數青山學眉黛
當年誰入合歡堂

不復黃衫舞馬牀更無片段荔支筐祇餘今古青山色

留與詩人弔夕陽

空城幾曲水潺潺
松柏淒涼滿舊山
輦道無人秋草合
年年嗚咽到人間

灞橋寄內二首

長樂坡前雨似塵
少陵原上淚霑巾
灞橋兩岸千條柳
送盡東西渡水人

太華終南萬里遙
西來無處不魂銷
閨中若問金錢卜

秋雨秋風過灞橋

晚渡澧渭

清川生暝色鼓楫溯中流
返照紅將斂終南紫翠稠
遙看雲際寺欲放渼陂舟
故國東溟上茫茫清渭樓

望終南雲氣

終南雲物一千里遠橫嶓冢
包商顏不雨不晴最窈窕
一東一西時往還
何日高棲尋紫閣來朝驛騎繞黃山
無心羨汝能舒卷
慙負秋來水石閑

古詩
逢白雲
一東一西一南
北

漢武帝通天臺址

通天臺畔望咸京
秋入秦川雨半晴
御宿不來仙掌散
宮車已往露盤傾
神光遙指虛無影
渭水長流日夜聲
此去西風茂陵路
祇應腸斷沈初明

咸陽早發

日照長陵小市東
依然蹤跡逐飛蓬
未央宮闕悲歌裏
鄂杜鶯花淚眼中
已見銅人辭漢月
空留石馬卧秋風

多情最有趣咸陽草和雨和烟歲歲同

茂陵

武帝乘龍久上昇集靈臺古幾人登晴川森森通槐里
秋草萋萋入茂陵天馬歌成愁出塞泉鳩事去涕沾膺
誰知一代孫弘閣唯有東方諫獵能

馬嵬懷古二首

何處長生殿裏秋無情清渭日東流香魂不及黃旛綽
猶占驪山土一丘

巴山夜雨卻歸秦金粟堆邊草不春一種傾城好顏色
茂陵終傍李夫人

飛龍吟

此地臨沂渭秦嬴有舊封飛龍何日步凡馬至今空落
落驛鶯氣蕭蕭苜蓿叢黃雲秋草裏悵望古城東

武功道中

武功回首望金城古跡蕭條感乍生禿節尚憐蘇屬國
黨人終賴竇遊平白頭鬱鬱身前事青史悠悠世上名
千里終南山色好一枝筇竹萬緣輕

武功懷古

唐家慈聖寺后稷有邰封二水流沮漆千秋擬沛豐高
原山色裏小邑夕陽中樂府康王好何時訪汎東

扶風道中

北望迴龍薄西行過馬嵬俠遊無柳市史筆闕蘭臺老

鬢愁中改秋風隴上催田園情話好何事不歸來

馬伏波祠

冥冥炎海伏波祠肅肅靈旗故國思萬里功名銅馬式
五谿淫潦跕焉時魄謁詎識真王異朱勃終慙地下知
空憶平生少游語歸來歎悵悔教遲

織錦巷

慧絕璇璣手當如棄置何憐他蘇蕙子枉嫁竇連波

鳳翔府

城邊汧渭兩交流龍蜀中分第一州西雍橫當斜谷路
南山高接杜陵秋雌鳴尚憶秦人霸星隕難銷漢相愁
形勢依然身萬里扶風歌罷拂吳鈎

寶雞道中

時序颯已變征蓬何處休遠天吳岳影斜日渭川流雲
棧餘高鳥磻溪有釣鉤龍鍾三十九白盡老夫頭

寶雞縣

險絕古陳倉停車落日黃霸圖今寐莫陳寶亦銷亡城
郭秋雲裏人家清渭旁廻看三輔遠秦樹但蒼蒼

石鼓山

遙憶岐陽狩來過石鼓山韓蘓今地下星斗尚人間谿
谷歸飛少川原獵騎還寄情汧渭水千折過潼關

益門鎮

天險當秦鳳提封界雍梁棧雲高不落龍樹曉還蒼古

堠催征騎秋風弔戰場山南明日路漸入武都羌

煎茶坪

大壑沉雲霧冥冥萬仞梯孤峯今隴漢兩水劃東西水北流西水南流遙直金牛峽旁臨白馬氐當年誰設險不用一丸泥

自長橋至草涼樓

西下嘉陵水瀰瀰綠滿灘緣崖紅叱撥紫棧曲闌千九折行人少千峰落日寒不知投宿處樵響隔雲端

鳳縣

險絕岐南路岩嶢蜀北門千峰圍邸閣一線望中原城

下嘉陵水林間謝豹村襄遲慙鳳德愁向接輿論

寄家人

京洛分襟七夕前南岐驛路五更烟故園刀尺齊紈素遠道風花蜀國絃斷續鸕飛深鴟裏橫斜雁度夕陽邊棧雲隴樹重重隔閨夢何由向左綿

雨度紫關嶺

棧中新漲未歸槽百丈紫關水怒號鳥語不聞深箐黑馬蹄直上亂雲高天垂洞壑蛟龍蟄秋老牙鬚虎豹豪誰識熏香東省客戎衣斜壓赫連刀

南星雨發

驟雨南星道秋陰草木風澗寒傷馬骨雲亂失蠶叢借憶公孫帝危知大禹功中原何處所夢落散關東

雨趨留壩

急雨下烏龍千峰一線通路遙洋水北天盡武關東峽
偏風雷氣人穿虎豹叢誰知星使節今夜託牛官
畫着關南渡野羊水

四山封竚寐一水急波瀾巨壑蛟潛穩飛流馬渡難陰
崖終古悶白日幾時看惡竹縱橫甚還須斫萬竿

武關寄家書

驛騎千山裏平安兩字書高堂衰白早兒女死生餘聽
雨思兄弟臨風問起居白頭吟更苦莫負錦江魚

閨七夕抵褒城縣

褒斜十日路白髮忽侵尋紅葉下江水始知秋氣深馬

驥初出谷城閉不聞砧何處天河影浮雲只自陰

漁洋山人精華錄卷六

門人監察御史崑山盛符升國子祭酒江陰曹永同訂

候官門人林佶恭謄寫

男啟汎恭閱

漁洋山人精華錄卷七

門人侯官林佶編

今體詩

年來錢牧齋吳梅村周櫟園諸先生鄒訏士陳伯
璣方爾止董文友諸同人相繼徂謝棧道感懷

愴然有賦

載酒題襟處處同平生師友廿年中九原可作思隨會
四海論交憶孔融春草茫茫人代速落花寂寂墓門空
白頭騎馬嘉陵路惟有羊曇恨未窮

漢中府

路遶褒斜夢故園今朝風物似中原平蕪蹀躞連錢馬
近郭參差橘柚村萬疊雲峰趨廣漢千帆秋水下襄樊

只愁明日金牛路回首興元落照昏

漢臺

絳灌當時伍黔彭異代看竟成隆準帝不屑沐猴冠磊落真王氣蒼茫大將壇風雲今寂莫江漢自波瀾

故宮曲二首

溼螢幾點粘修竹月映蒼烟綠金牀玉几不歸來空唱人間可哀曲

往日朱門帝子家紫車一去即天涯平臺賓客今何處零落小山叢桂花

虛谷菴二首

菴有黃楊二株竄奇

三寸黃柏水浸渠一林紅桂映棕櫚鈎簾恰對中梁色

正好高眠讀道書

太息黃楊樹子前琳宮幾歲飽風烟交柯接葉真憐汝未似先生厄閨年

南鄭至沔縣道中

黑水梁州道停車問土風沔流天漢外嶓冢夕陽東處處棕櫚綠村村穉稭紅更須參玉版修竹賤如蓬

女郎廟

朝過女郎道遙望女郎祠溪水疑環珮春山學黛眉千林丹橘熟一徑碧苔滋日暮神靈雨西風滿桂旗

沔縣謁諸葛忠武侯祠

天漢遙遙指劍闕逢人先問定軍山惠陵草木冰霜裏

丞相祠堂檜柏間八陣風雲通指顧一江波浪急潺湲
遺民衢路還私祭不獨英雄血淚斑

武侯琴室

竹篠娟娟靜江流漠漠陰至今籌筆地猶見出師心遺
恨成銜璧元聲有故琴千秋絃指外髡鬍遇高深

大安驛

犖確三泉縣坡陁一徑開江流沮口合風雨沓中來漢
相經營地氐王駕馭才西窮嶓冢盡節使亦雄哉

五丁峽

徼外蕃王國荒荒巨峽侵龍居三洞祕熊館四時陰笮
馬何年度金牛此路深五丁虛斧鑿愁絕畏登臨

寧羌州

威遲辭北闕浩蕩賦西征天險金牛峽悲歌猛虎行岷
峩連雨氣汚漢走江聲三戶遺民少蕭條見廢城

寧羌夜雨

不信無晴日曾聞有漏天武都連夜雨巴子樂人船山
入氐中亂寒臨僰道偏荒城聞鼓角回首意茫然

廣元舟中聞棹歌

江上渝歌幾處聞孤舟日暮雨紛紛歌聲漸過烏奴去
九十九峯多白雲

昭化縣

亂山圍一縣哀柝下初更近郭雙江合扁舟萬里情浪

翻寒月影風急夜潮聲何限人間事茫茫恨未平

昭化夜泊

淅淅風欺枕明明月入船三巴空有淚獨夜不成眠流
宕魚鳧國淒其鴻雁天故園梅信早歸去逼殘年

虎跳驛

路逗蒼溪縣荒涼破驛存濂金稀見艇畏虎早關門水
合南江壯山連大劍昏巴西兵馬後多少未招魂

夜泊雙游子聞笛

嘉陵江上泊舟時戍鼓初停月上遲已聽寒潮不成寐
誰家橫笛怨蘆茲

蒼溪縣

萬里行難到三秋雁不過蠻江吹積雨急峽東盤渦綿
谷青山遠賓人白弩多泛舟思杜老漂泊意如何

閬中縣二首

見說閬中好軒窓臨錦屏山川無髣髴者舊況凋零殘
壘浮兵氣寒江滯使星忽聞羌笛起風雨畫冥冥
滕王何寂莫江挹玉臺偏沙岸收賓馬湍流激砧船五
城虛夢到三戶有人烟不奈驚搖落魄銷帝子前

閬中感興四首

行役忽永久衣裳白露淒秋風吹劍外客鬢老巴西螢
火飛還沒寒螿咽復啼不堪蜀道雨山霧晝常迷
巴樹小搖落薄寒初中人江山紛暮節風露感蕭晨遠

使非印杖思歸閑角巾流波三峽外何處覓文鱗
西漢茫茫去來過碧玉樓九迴腸已斷三折水還流涕
淚聞鶻鳥雲山繞劍州老親穿望眼霜雪白盈頭
蜀雨連秦棧秋陰暮復朝山盤黃鶲急江合紫羌遙烏
鵠知何意鼴鼴爾獨驕蓬萊不可到回首向風飈

藥物

藥物知何益愁多老病侵眼枯兒女淚心折短長吟鄉
信何時達秋濤日夜深巴猿殊造次悽絕叫楓林

望劍州懷喬文衣

名鉢內丘名士以湖口令遷守劍州卒官

次公狂自好名字滿人間才士無高位吟魂寄百蠻音

書胡口縣生死劍門關太息青蠻弔交州幾歲還

寄綿州守

西南芳草路幾驛到綿州蜀道風雲外涪江日夜流丹
青茲公壁城郭越王樓故里康浪水何人弄釣舟

龍山驛雨

閬州城邊雲氣浮龍山驛裏雨聲愁遠遊不睡青城地
絕域空悲白雁秋巴嶺稀逢人北去渝江長是水南流
蕭條孤館荆榛夕更指千峯入漢州

富村驛雨

陰蟲何太苦戶外即蒼山急柝侵孤枕秋河落百蠻燈
厔山鬼逼雨止蟄龍還一夜瀾江水愁人淚點斑

天馬山雨行

兩炬殘更裏亂山高復低疾風吹白雨折坂下青泥詰
屈穿牛角縱橫印虎蹄廿年餘戰骨何處聽荒雞

鶩溪

剩水殘山祗益愁梓州荒絕接隆州眼明今日鹽亭路
十里鶩溪碧玉流

鹽亭縣南渡梓橦江

南下辱亭路千峰挾兩秋江潮不送客獨向射洪流

秋林驛雨

積氣常不徹天地日冥冥俗雜蟾夔種林深虎豹窟荒
村陰嵒黑寒夜鬼燐青夢裏夔門路開頭下洞庭

涪江

十日巴西雨艱難到梓州晚晴見涪水清絕抱南樓不
見牛頭橋空驚萬里秋尚餘登覽興留眼望牛頭

潼川懷少陵

返景下東津扁舟涪水濱女牆崩積雨郡郭入荒榛山
夕烟花少江流戰伐頻飄零思弟妹嗟爾杜陵人

中江縣

慘淡黃雲暮行人出草萊風濤兩江合斜照亂峰開秋
老飛烏縣鄉遙戲馬臺郢筒何處是一月罷銜盃

天柱山絕頂望見岷山作

鞍馬衆峰頭蒼茫萬里收岷山橫塞出灌口接天流要
害三城戍邊防八月秋大荒飛鳥外眼底盡姚州

山中有蟲聲如擊磬甚清越蜀人謂之山子又有

花名龍爪甚艷偶成絕句

稻熟田家雨又風枝枝龍爪出林紅數聲清磬不知處
山子晚啼黃葉中

題漢州驛壁

漢州城郭刦灰前房相西湖有斷烟更問臉波添幾許
昨宵金雁驛中眠唐人漢州詩十日醉眠金雁驛臨歧無限臉波橫

望青城山

雲氣連西城名山作漢標千秋軒帝蹟每夜岳靈朝玉
宇凌丹壑神鸞下碧霄丈人一招手天路未應遙

繩半道中望、車圖遺址

落日彌年道霜風百戰塲青天迴玉壘遠樹出華陽
陸海三都闊雄圖八陣荒臥龍虛故蹟駐馬惜降王

新都縣題楊升菴先生故宅

有二桂樹尚在

侍臣遷謫後常憶秦陵園詞賦留金齒生還望玉明交
州無士變南海得虞翻廢宅西風裏連蟠桂樹存

防秋

聞道防秋急千山復萬山傳烽來僰道挿羽過靈關屬
國何嘗絕懸軍且未還卻思漢丞相心力盡征蠻

登成都西城樓望雪山

秋老錦官城西風捲旆旌霜高犀浦落日出雪山明黎
雅初增戍松藩未罷兵誰能凌絕頂萬里一崢嶸

金方伯邀泛浣花溪二首

解纜江村外溪沙失舊痕夕陽來灌口秋水下彭門清
吹臨風緩神鴉得食喧百花潭上好新月破黃昏

萬里橋邊去還多弔古情人烟過蠶市新月上龜城寂
歷更漏發蕭條鱗甲生逕看草堂路修竹水蕪平

王蜀徐

妃詩又驅金翠入龜城

九日謁昭烈惠陵

萬里登高日橋山白露寒至今悲蜀帝何處問祠官杏
杏衣冠閑淒淒封樹殘錦江非渭水猶作霸陵看

武侯祠別鄭次公水部

白雁三秋候青山萬里橋與君俱絕域此別更魂銷遺
祠西即惠陵平羌江上水相望隔風潮

金花橋道中作

半年浪迹錦城遊纔數歸程已暮秋晚照開時見千里
寒鴉飛盡過雙流眼明修竹橫塘路心逐江雲下峽舟
異域忽驚搖落久今宵一醉失鄉愁

雙流縣今廢入新津

路近雙流縣繁紜一徑斜雞鳴深竹裏暝色幾人家日
暮寒雲合城荒野蔓遮愁將蓬鬢色絕域老霜華

新津縣渡江

南過蠶叢國秋風正授衣青山初日上黃葉半江飛修
竹連千畝高柟徑十圍臨江呼渡舸極目一清暉

雨發眉州

五更吹角罷細雨出眉州雜樹堆紅葉蠻荒感白頭岷峨雲氣接邛僰亂山稠東望玻瓈水風前葉葉舟

寄朱峨眉方菴兼懷蔣修撰虎臣

蔣時卧病峨眉

伏虎寺

絕域相逢感鬢華幾行清淚落悲笳愁中巫峽暮雲
合望裏峨眉秋月斜方丈一燈誰問疾孤帆萬里客還
家故人咫尺不相見夢繞平羌江水涯

夾江縣

地近川南好孤城罨畫間江山真萬里雨雪到諸蠻馬

渡青衣水雲澹紫日闌大峨天半落相見一開顏

夾江道中二首

沉黎東上古犍為紅樹蒼藤竹亞枝騎馬青衣江畔路
一天風雨望峩眉

嘉陽驛路俯江流寒雨瀟瀟送暮秋誰識蠻中風景別

洋州風竹戴嵩牛

九盤望峩眉

紺壁臨千仞蕭蕭木葉黃水流通越雋峯遠入江陽十
月蠻雲澹三峩積雪蒼來朝掛帆去回首意茫茫

竹公溪二首

漏天未放十分晴處處江村有笛聲水遠山長聽不足
竹郎祠下竹雞鳴

竹公溪水綠悠悠也合三江一處流珍重嘉陽山水色
來朝送客下戎州

入嘉州問丁東院無知者過高望山趾廢寺鄭生
曰丁東寺也訪方響洞尚存感而賦詩

廿年夢想丁東院何意丁東院裏來山水清音空復在
劫灰殘燒自生哀井欄僧汲稀銅鉢石梵秋深長綠苔
不遇江南老桑苧風鑪誰遣試茶盃放翁丁東院詩我是江南老桑苧諸君小住共茶盃
山谷詩古人題作丁東水自古丁東直到今我為更名方響洞始知山水有清音

三登高望樓作

風流曾說荔支樓欄檻高明壓四州

謂戎著即雅也

峩頂晚霞寒

白雪江心殘照出烏尤雲烟早暮還殊態楓柏丹黃只似秋
自笑心情無賴甚清晨臨眺不梳頭

曉渡平羌江步上凌雲絕頂

真作凌雲載酒遊漢嘉奇絕冠西州九峯向日吟江葉
三水通潮抱郡樓山自涪翁亭畔好泉從古佛髻中流
東坡老去方思蜀不願人間萬戶侯坡詩生不願封萬戶侯亦不願識韓荊州但願身為漢嘉守載酒時作凌雲游

凌雲襍詠五首

爾雅臺

郭生注蟲魚遺跡空山裏何處蔡充兒幾為勸學死

大佛閣嘉南康鑿閣燬於袁韶惟佛像存

三十六莊嚴不生亦不滅朝夕三江潮如聞廣長舌

治易洞

宋吳祕

古洞何方廣垂蘿覆巖石想見昔年人研朱點周易

清音亭

振衣清音亭松桂鳴騷肩坐對大峩峯雲消露殘雪

洗墨池

東坡

初日石梁上猶傳洗墨池故山歸未得空和淵明詩

漢嘉竹枝五首

全嘉定州

龍遊城郭碧玻瓈西望三峩曉黛滋分取三江作明鏡
鏡中各自照蛾眉

城頭山色入虛無城下清波望鬱姑白塔紅船歸去晚
嘉州也復有西湖

側生一樹會江門水遞年年進大藩寂莫蜀官三十載

夕陽零落荔支園

竹公溪口水茫茫溪上人家賽竹王銅鼓蠻歌爭上日

竹林深處拜三郎

平羌峽裏府江來西望青衣抱郭迴大佛足前相會合

早潮晚汐不分開

三江岷江東來青衣水沫水西來至大佛前乃合流坡公詩奔騰過佛脚土人謂岷江為府江

嘉陽登舟

青衣江水碧鱗鱗夾岸山容索笑新悵望三峩九秋色
飄零萬里一歸人亭臺處處餘金粉城郭家家繞綠蘋
信宿嘉州如舊識荔支樓好對江津

江行望烏尤山

墨魚吹浪一江浮爾雅臺荒古木秋碧水丹山留不得
風帆回首別烏丸

犍為道中

潮音閣下戒舟航回首凌雲陶渺茫土俗漸臨巴子國
江流遙接楚人鄉爐熏細縈琴薦荻葉蕭蕭映筆
牀天外峨眉如送客晴雲千片白毫光

叙州鎖江亭晚眺

望望朱提路夕陽千萬山落霞明極浦飛鳥近南蠻城
角旌竿直江亭鐵鎖閑鬱姑臺咫尺烟靄畫圖間

江安縣

斜日玉津渡青山銅鼓灘蠻江來浩蕩行路飽艱難晚

市稀橙客荒園罷橘官波濤三百里猶是怯兵欄

清溪

納溪縣西五里太白詩夜發清溪向三峽即此

蠻雲漏日影淒淒夾岸蕭條紅樹低好在峩眉半輪月
伴人今夜宿清溪

瀘州登忠山

江源分內外千里會瀘州歷歷五峯影茫茫三峽流青
山烟外寺黃篾水邊樓夕照層城暮迴風引棹謳

撫琴渡

尹伯奇彈琴處

明月生琴渡似聞彈履霜猿聲何處發今夜宿江陽更有巴渝曲能霑旅客裳楓林前路遠葉葉似瀟湘
晨起渡江登五峯過北巖寺

江郭曉烟合攜琴來五峰水容青滑笏山態碧玲瓏雲
樹孤城外風帆小市東香林迴望好下界一空濛

江陽竹枝二首今瀘州

錦官城東內江流錦官城西外江流直到江陽復相見
暫時小別不須愁

妾如江心黃龍堆江枯石爛長崔嵬郎如治平寺中塔
戎州西望忽飛來

相傳叙州北江上塔頂飛至瀘州治平寺塔上而止

合江縣

鰣部蠻荒水東南裂地來江臨巴字濶山倚少岷開故
國音書絕天涯老鬢催渝歌聲太苦中夜起徘徊

合江早發

放溜殘更裏烹微霽色閑鴉飛符縣北日出少岷山衆
水當渝會扁舟下瀨還客心爭歲暮猶自滯烏蠻

大礪腦

削壁臨江勢欲傾丹砂蘸葉一江明囊中正有駢溪絹
只少黃筌為寫生

棹歌

紅葉磧邊紅葉飛黃魚沱上黃魚肥百丈牽江怯西上
三巴迎客好東歸

江津縣晚泊寄懷李綏陽公凱

路入江州愛晚晴青山紅樹眼中明斜陽潮送孤舟上
沙岸人牽百丈行故國至今悲蔓子乘槎曾共訪君平

城南便是牂牁路一夕相思白髮生

渝州夜泊

塗山斜月落巴國曙鷄鳴亂艇烟初合三江潮夜生霜
寒催曉角石氣肅高城不寐聞猿嘯迢迢入峽聲

題三忠傳

故四川巡撫陳公士奇重慶知府王公行儉巴縣知縣王公鋤

已失夔門險誰云蜀道難三江潮不到萬馬競傳餐故
國悲張許忠魂泣賀蘭當時渝水上慷慨白衣冠

塗山絕頂眺望

飛瀑落長虹登臨見禹功山圍巴子國苔沒夏王宮峒
俗烏蠻近畬耕白帝同渝州天塹地感慨大江東

舟出巴峽

曲折真成字滄波十月天雲開見江樹峽斷望人烟新
月數聲笛巴歌何處船今宵羈客淚流落竹枝前

長壽縣弔雪菴和尚

枳縣秋風愴客魂金川遺事忍重論誰從魚服悲宗國
唯有烏朝戀舊恩葉下沅湘愁北渚蕪生鄖郢哭東門
至今松柏灘頭水嗚咽寒潮弔屈原

涪州石魚

涪陵水落見雙魚北望鄉園萬里餘三十六鱗空自好
乘潮不寄一封書

早登涪州北巖訪伊川先生注易洞憇碧雲亭巖

雞鳴截江去磊落見殘星古洞生蒼蘚層巖列翠屏五
溪秋水岸萬里碧雲亭蜀洛清流盡千秋忌獨醒

麻姑洞二首

神仙官府事紛然
懶漫誰能更學仙
但乞麻姑爬背癢
餘杭免酒此中眠

洞口無人薺自青
蓬萊清淺幾曾停
他時小別三千歲
又似當年過蔡經

忠州謁禹廟

空山神禹廟終古對巴臺玉座秋苔長江雲暮雨來八
蠻通道路九鼎沒萬葉黑水梁州地茫茫問劫灰

屏風山謁陸宣公墓

賈傅長沙謫靈均澤畔吟千秋同涕淚萬里更登臨
鯤北崎嶇日山東父老心陽城如可作為我助嚮襟

詢白公東坡不得二首

巴歌渝唱總紛紛長慶新詩久不聞欲訪東坡但搔首
浪花高捲入蠻雲

東坡東澗綠成陰刺史當年惠愛深想見竹枝歌舞處
木蓮花映水林檎

壞塗早發

夢迴峽月落卧聽舟人語風便五更潮天明到南浦萬
縣古南浦地

萬縣有感

千秋南浦地險阻控三巴惡少仍雕面通侯各建牙何人飼豺虎吾道一龍蛇鼓角寒城暮江流捲白沙

雲陽縣

十月雲安縣千崖石氣青江寒風颯颯猿嘯雨冥冥鹽井筒時汲巴歌酒易醒天涯連歲暮心折杜鵑亭

晚登夔府東城樓望八陣圖

永安宮殿莽榛蕪炎漢存亡六尺孤城上風雲猶護蜀江間波浪失吞吳魚龍夜偃三巴路蛇鳥秋懸八陣圖搔首桓公憑弔處猿聲落日滿夔巫

瀼西謁少陵先生祠五首

萬古瀼西宅斜連峽口闢高雲魚武縣秋水麝香山老作諸侯客心依供奉班樊川臨素灘遺恨不生還

白髮三川客新詩百鍊功飄零逐猿鳥得失感雞蟲弟妹干戈裏朝廷涕淚中浣花形勝地回首雪山風浩劫遺祠在依然白帝城岸連巫峽影門對蜀江聲太息隆中業平生庾信情艱難詩萬首夔府至今名

已見浮三峽還憐到九疑湘娥何處是楚客至今悲槎繫南溟近天連北斗垂江陵空望幸愁絕侍臣詩欲去頻回首停舟灤瀨堆東屯渺雲水西閣莽蒿萊感事悲諸將懷人賦八哀昆明遺碣在落葉滿蒼苔祠有石刻秋興詩僅存昆明池水一首

登白帝城

赤甲白鹽相向生丹青絕壁鬪崕嶧千江一線虎鬚口
萬里孤帆魚復城躍馬雄圖餘壘跡卧龍遺廟枕潮聲
飛樓直上聞哀角落日濤頭氣不平

白帝城謁昭烈武侯廟

赤甲山頭雲氣蒼楓林蕭瑟落微霜魚人故壘生秋草
鳥道寒空掛夕陽當日君臣真灑落至今祠廟有輝光
江流薄暮聞笳鼓回首中原泣數行

舟下瞿塘別陳東海都督

諱福後謚忠愍

十月瞿塘峽孤根灔瀨堆風雷高白帝雲雨暗陽臺朱
鷺軍中樂青楓渡口盃漢西迴望好欲去且徘徊

登高唐觀

西上高唐觀陽雲對舊臺瑤姬何處所望迷獨徘徊悅
忽荆王夢芳華宋玉才細腰宮畔柳併作楚人哀

神女廟

莖竹山下路遺廟問朝雲冠古才難竝流波日易曛玉
顏空寂莫山翠自氤氳東望章華晚含情尚為君

巫峽中望十二峯

十二峯娟妙輕舟望是非青天半雲雨夕日亂烟霏瀑
水臨江合三分水神鴉出洞飛朝雲無處所應待楚王歸

巴東秋風謁寇萊公祠二首

秋風亭上望搖落值秋風巫峽千帆上荆門一水通清
猿吟楚塞客渡落巴東故相還祠廟淒其伏臘同

壽寧何代寺猶說相公泉澹沱清江去淒涼古佛前傳
芭衷楚些特筆記潭淵不見雷陽竹中書事可憐

抵歸州

亂石歸州郭危檣蜀客舟江山悲屈宋戰伐憶孫劉西
道連魚復東門望夏丘興亡紛在眼衰衰大江流宜都又名西道

歸州書感

歷歷青山遠更圍蕭蕭紅葉晚爭飛一天暮雨來巫峽
萬里寒潮到秭歸郢路蒼茫衰草偏楚宮蕪沒昔人非
灘聲半夜堪頭白况復天涯未授衣

秭歸夜泊

江水茫茫去西風感鬢絲峽深夔子國月上屈原祠灘
響夜方急猿聲寒更悲楚天搖落後何處採江蘿

五更山行之屈沱謁三間大夫廟

斜月楚山外寒江初上潮左徒遺廟在未惜馬蹄遙國
破憐哀郢魂歸賦大招雲旗空悵望回首木蘭橈

題三間大夫廟四首

懷沙千古恨汨楫弔靈均眇眇思公子依依問楚人招
魂龍貝闕遺恨虎狼秦愁絕涔陽浦年年杜若春
湘纍哀怨地自昔有遺音曉日空舲岸孤帆楓樹林數
窮詹尹策魂斷女禡砧欲問離騷意巴東猿夜吟
久客懷往路還登江上祠美人惜珍髦衆女妒娥眉
澤凋蘭葉巴巫唱竹枝九歌何處續宋玉有微詞

鶗鴂鳴何早鳥飛思故鄉如何懷郢路終自棄沅湘三戶餘秋草千山滿夕陽武闈鳴咽水猶怨楚襄王

峽中舟夜

酒殘香燼暮江深遙夜孤舟楓樹林三峽流泉爭送客不須更聽七絃琴

新灘二首

楚蜀諸灘首險在兵書空舲二峽間

上灘嘈嘈如震霆下灘東來如建瓴瞥過前山纔一瞬鷓鴣啼處到空舲

兵書峽口石橫流怒敵江心萬斛舟蜀舸吳船齊着力

西陵前去賽黃牛

空舲峽

月吐空舲峽流光渺塞菊漁燈搖宿鷺篷背受新霜青草烟波闊黃牛朝暮長曾為雲夢客回首憶高唐

黃陵廟二首

廟後峯頂有人牛像宛然如畫

峽裏黃陵廟千秋俎豆新禹功思癸甲靈笈佐庚辰灘石冬逾壯風帆捷有神旌旗臨絕壁長照大江濱秭歸來百里突兀見黃牛下水纔朝暮行人已白頭山川變路險疏鑿禹功留尚憶平成日茫茫辨九州

抵夔陵州二首

西陵雄鎮地佇立望荆門蜀水天邊綠巫雲峽口昏三湘初落木萬里飴聞猿翦紙勞僮僕為招久客魂扁舟天上落回首萬灘高斜日明西塞秋風過下牢江

湖初莽蕩吳蜀幾旌旄至喜亭邊泊椎牛也自豪

西陵竹枝四首

今襄陵州

蜀道艱難易白頭羊腸虎臂又黃牛西陵纔過荊江出
聽盡猿聲是峽州

峽江三月櫓聲齊扣拍哀歌高復低十二碚邊初起汎
日斜還過下牢溪

襄陵俗以三月初八十六廿三日起汎相率扣拍而歌

悲愴慷慨乃獲多魚惟十三碚以上下牢溪以半數十里為然

金釵繫接髻丁枋又繫年年聚此鄉江上夕陽歸去晚
白蘋花老賣鱘鯉

俗以八九月取鱘鯉魚先布網而後下又謂之又繫其地曰繫曰枋

荷燈百尺接秋河猶似秦兵駐綠蘿更說元宵好風景

竹枝歌續採茶歌

元夕連袂唱竹枝採茶歌七夕家家張荷葉燈云昔秦

白娘子代楚將燒香陵望見城中燈火而止遂治室舍

漢景帝廟

賀然著水主多此

陽陵何處是遺廟此中洲落日西陵渡寒江楚塞樓天
心紛割據鼎足失炎劉太息英雄遠樓船下益州

宜都縣南中流大風

南首猇亭路茫茫白浪間風生羊角戍山盡虎牙關忠
信平生志波濤絕域還湘東飄泊日深入五溪蠻

枝江道中

愁絕丹陽道蕭條暮雨時天遙孤雁沒江闊一帆遲庾
信臺空在懷王冢尚疑且隨鷗鳥去今夜泊松滋

夢懷王墓二首

當年遺恨割商於故國秋風總廢墟望裏丹陽抔土在

寒潮猶似哭三閭

百里洲前望楚江斜風吹雨暗蓬窓可憐雲夢三千里
弱繳誰加鳥六雙

荊州懷古

白帝城邊醉放舟夕陽荆楚此登樓驚心割據三分地
放眼關河萬里遊山色茫茫江夏遠風烟漠漠渚宮秋
何須更續英雄記今古無人似仲謀

江陵書感

先祖方伯公曾以儀郎奉使扈故惠王之國

先公持節地今日復經過江漢流如昔興亡事若何人
歸飼馬後士豈鯉魚多信羨非吾土登樓發浩歌

荊門州

望郢門外茫茫江驛路寬北風沙漢起暮雲郢中寒野
燒荒原斷昏鴉古木殘遙憐季行役白髮望平安

望龐居士山

雲烟杳杳樹憧憧消息憑誰問老龐斜日漢川秋水闊
居然一口吸西江

萬山

新釣槎頭縮項鯿楚姬玉手鱠紅鮮萬山潭水清如昨
只憶襄陽孟浩然

襄陽口號

豈有醜人羊叔子更無悔過竇連波殘碑墮淚迴文錦
一種銷沉可奈何

羊太傅祠

峴首何寥落猶存太傅祠門臨漢川水淚墮郢中兒東第無歸日西江有斷碑天涯落帆客一薦楚江蘿

峴山和孟公韻

往者不可作含悽方在今峴山風景地名士幾登臨陵谷須臾改殘碑涕淚深高陽池上酒憑仗一開襟

隆中

咫尺隆中路如聞梁父吟地傳龍卧久山接鹿門深遺憾留關隴高風激漢陰沔江流不盡西望一霑襟

放鷹臺

漢江東去有高臺烟樹蒼蒼望開走馬銅鞮坊北路

少年齊唱野鷹來

劉景升家

豚犬兒郎霸業空冢中人不愧英雄一杯遙醉襄江上愛汝名高俊及中

渡漢江次樊城二首

昨過嶓冢陽今來漢臯曲萬里故人心江流鴨頭綠樊口隔銅鞮江樓烏夜啼行人渡江去回首峴山西

大堤曲四首

何處白銅鞮相逢大堤曲樊城多酒家郎在誰家宿送歡鳳林關別歡桃林岸紅桃作花時與歡復相見漢水綠頭鴨朝朝自呼名何時覓歡去附書到江陵

東漢房陵來南流武昌去西漢下巴陵會是相逢處

估客樂三首

大船趁潮來落帆向樊口盤鮆槎頭鱠盃泛宜城酒
大堤諸女兒三五花映肉斜月半江樓低徊就郎宿
與郎定情時歲艸黃金鑰不識墮淚碑但道襄陽樂

新野道中

窮冬風易緊暝色路何長蠻落黃郵聚寒林赭水鄉雁
聲過宛口帆影下襄陽回首昭丘外雲濤墮渺茫

南陽

漢家陵闕晚烟重路入南陽識舊封何日赤符曾應識
至今白水尚朝宗炎精十世飛雄雉鼎足三分起卧龍

惆悵銅駒經幾度西風博望一聲鐘

卧龍岡

五丈原頭望秋風落大星空留高卧處古柏日冥冥

寄懷鄧州彭中郎直上兄弟兼憶仲亮寧遠

禹峰方伯子

舊識中郎美新高第五名中原傳二妙故國繼三甥阜
帽遼東客青山宛葉情羨君名父子家本冠軍城

寄于淅川道子

西望商於地風前木葉紅荒城三戶在官舍萬山中歸
路日猶遠故人今不同浙江通漢水心折武關東

博望城

持節西窮萬里源至今黃鶴怨鳥孫空聞寶馬歸天廩

不見征人入玉門

過長沮桀溺耦耕處

曾讀陶公傳
奈奈沮溺心耦耕
餘故跡流水抱寒岑
鳥下日將夕雲歸
山半陰從來避世者不厭入林深

葉公祠

蕭條醴水暮烟封
古殿青苔上廢鐘
地下子高應一笑
世間誰解好真龍

襄城道中

角角逐鳴雞
遙遙信馬蹄
雪殘雍氏北
月落潁陽西
序已三冬
晚途猶七聖
迷汝南
名士盡望古
一含悽

拜李元禮墓

頽水東流去不迴
漢家司隸汎城隈
西園官爵歸常侍
北部髡鉗記黨魁
一代荀陳師友誼
千秋蕃武死生哀
歲寒謾謾松風裏
猶似龍門御李來

渡汝水戲作襄城君曲

楚莊辛事見說苑

王劍翡翠衣光照清川口
不願楚執珪
願得執君手

頽川懷古

懷古過陽翟
西風落照時
廣成何處問童子
信堪師喬木
臨清頽寒烟
望具茨何因稅
塵鞅還共羽人期

渡河西望有感

使者河源復卻廻
杖藜曾記到雲臺
高秋華岳三峰出
曉日潼關四扇開
星宿海從天上落
岷崐崙樣自斗邊來

朱集卷之二
古
時時更訪茅龍去東望滄溟水一杯

榮澤渡河二首

西湖岷峨萬里長大河北去渡榮陽平分兩戒廻中岳
直下三川阻太行咫尺風雲迷廣武蒼涼瞰日射扶桑
時清久失成臯險釀酒黃流弔戰場

渺渺星槎擊楫登鴻溝極目氣飛騰已過白雪三城戍
初試黃河十月冰沙磧連雲朝牧馬獵圍行炙晚呼鷹
金堤東下夷門路落日寒烟弔信陵

贈徐東瘦四首

東臯三畝宅歲歲掩柴關自得知仁樂因居廉讓間夕
烟隱桑柘曉色見雲山為問冥冥者何須放白鶲

浩蕩江湖興扁舟過富春兩臺雲漠漠千尺水粼粼偃
蹇狂奴態飄零汝社人垂竿與晞髮萬一悲辛
秦楚縱橫地商於宛鄧西棧危驢背滑吟苦帽簷低戰
壘猶烽火窮途且杖藜倦遊歸卧穩高枕碧山棲

情親二十載回首颯風飈白髮催前事青松識後凋
須論出處只合共漁樵別有人琴痛勞君賦大招為亡兄
西樵

挽姜貞毅先生

諱採字如農萊陽人明給諫以言事謫戍敬亭後
寓蘇州治命葬敬亭山下

曾聞碧血裏朝衣滄海橫流萬事非生已變名吳市去
死當埋骨敬亭歸空山落日鳴鶴鳩孤墓深春長蕨薇
魂傷要離君愛弟英靈來往怒濤飛先生弟吏部核字如須葬
吳郡

輓蔣虎臣先生

先生養疾峨眉尚有手書見及

西清三十載九病一遷官晚憶峩眉好真忘蜀道難法
雲晴浩蕩春雪氣高寒萬里堪埋骨天成白玉棺

謝愚山寄敬亭茶著書墨四首

珍重宣州綠雪芽銕頭玉茗未須誇晚涼夢到雙谿路
宿火殘鐘索鬪茶

白甌親題記社前紅囊開罈淪清泉桐陰滿地蒼苔滑
紗帽籠頭手自煎

分來劙脊伴雲腴橫理庚庚玉不如更乞宣城諸葛筆
晴窓小試硬黃書

澤門哲與邑中黔一種高風比斷金至竟不須論白黑

東坡居士是知音

漫興十首

漭漭荆襄地當年割據州營連九節度星動五諸侯已
共長江險應關上將憂鄖門傳息壤不障洞庭流
一線金牛道迢迢限雍梁峽猶傳禹鑿山忽兆彭亡戰
鼓黃陵廟訛言白帝倉魚鳬曾夢到回首閱蒼茫

嗚咽秦川水秋風入鼓鼙妖星躔隴右大將出安西陸
陸將誰附蒼蒼迥不迷似聞寬大 詔未忍戮鯨鯢

烽火傳花馬將軍發賀蘭天心誅叛亟國法受降寬衙
帳青唐入沙場白骨寒亂臣誰貰死史筆後人看

均房山萬疊林箐杳難分故國傳鄖子名城屬冠軍風
烟迷朶望金鼓動秦雲父老思原傑當年舊建勳

不見離支熟閩州驛騎來大農師漸老使者節難迴五

嶺烽相照三山瘴未開冥冥炎海外目極釣龍臺

西北和親國王姬禮數殊一朝忘甥舅萬里送頭顱露

布明駝足軍鋒落雁都六師信神武羣盜敢枝梧

慘澹蒼梧墮風塵八桂林屠沽投間起巾幘負恩深銅

柱無消息交州竟陸沉何時大藤峽披豁散重陰

海內兵塵滿乾坤正氣孤數公明大義一死激頑夫關

塞青楓晚英靈白日徂他年看秉筆得慰鬼雄無

少日論兵事空驚老大身拊膺成一歎食內爾何人劇

益能傾楚弦高竟却秦白頭清鏡裏歸卧故山春

秋日遇子吉讀書齋有懷苦文

翰林官自達疲馬獨行吟日午炊烟渺闊門落葉深平
生有知已高卧洞庭陰莫謂飛沉絕千秋共此心

謝孫思遠送茶筭

翻茶竹塢麥秋寒燒筭僧樓穀雨闌寄謝江南老桑苧
也分風味到麤官

陳真亭僉憲殉節詩

譚丹赤閩縣人順治辛卯舉人自兵部

郎中出為溫處道僉事總兵官祖某叛死之贈通政使

爭飛海水動妖氛大節堂堂獨不羣真見司農生擊賊
還同車右死鳴君赤城地遠埋殘骨朱鳥魂歸哭陣雲
他日東甌應廟食靈旗風雨夜深聞

楊茶菴僉憲閩門殉節詩

譚三知良鄉人順治丙戌進士神木

道僉事參將孫崇雅叛同妻妾二女赴井死贈光祿卿

西來鼙鼓震秦川
神木城頭火夜然
直向重泉尋八口
居然一死動三邊
飛書大將論功日
齒齒孤臣入地年
彷彿井幹明月下
苔痕零落聽啼鶻

劉富川江屏殉節詩

諱欽鄰儀真籍廬陵人順治辛丑進士粵西亂死

之贈光祿少卿

白沙江上別蒼茫
憶爾廬陵節義鄉
萬里青燐連桂管
三年碧血照清湘
烏啼濺淚逢寒食
馬革驚心裏戰場
望斬銘旌何處是
蒼梧愁絕暮雲黃

蘭谿丞徐君殉節詩

諱詒廣昌人貢士城破懷印死贈浙江按察司僉事

連城大帥暨降藩獨有微官死報恩故印猶存同杖節
巫陽無地與招魂
雙松然歲歲纏纏
事大鳥何年立墓門
聞道荒城還渴葬
怒潮穿脇越江昏

定邊堡守備劉君夫婦殉節詩

諱英朱龍據堡以叛與妻妾郭氏李氏俱死之贈拜他喇布勒哈番世襲

河套南來花馬池嚴城
一夕滿旌旗驚傳絕塞
豺狼窟坐失三軍熊豹姿
恤緯孤忠留婦女成仁
浩氣屬偏裨高牙大纛工翻覆
請視劉君墮淚碑

遙送嵇爾遐從軍荊州兼寄秦留仙李屹瞻二首
帕首鞬刀氣不羣秀才今復學從軍也知好句輸中散
唯有相思寄夢雲

秦子清真五字詩李生磊落萬人姿
他年幕府論功日

七寶莊嚴合是誰

贈郝雪海侍御二首

龍性詎能馴依然七尺身誰從燎原日還憶徙薪人肝膽酬明主風霜老逐臣孝陵松柏淚霑灑又重新血戰蠶叢日愁雲壓閣中謗書翻置獄刀筆敢論功又失巴西險何時劍外通憑君重草檄早為破田戎

秋夜同容齋說巖二學士聽楊山人彈琴

萬里東歸客七絲聞夜彈泉流巫峽裏猿嘯夢雲端淅瀝楓葉落寥寥秋水寒無人知此意試問董庭蘭

紀事

見說溫泉仗經過畢郢原天言傳近侍小隊駐期門

王座人間闕銀蠶地下溫冬青當日淚真荷兩朝恩

雜感四首

隴水洮雲外傳烽萬里通天兵張掖下露布朔方同賊已亡方望時堪仗竇融明年看置酒圖畫滿南宮

飲馬洞庭闊連營笳吹聞南人知象主漢表失都君班竹祠邊水蒼梧野外雲何時真下瀨一試習流軍

戮力還羌帥孤忠有法王不緣蒙上賞何以警無將天狗過秦野髦牛限鬼方古來稱隴蜀成敗幾蒼茫

一髮東甌路懸軍春復秋何人裹馬革幾輩爛羊頭禮比長公主榮逾恩澤侯聖朝寬大德不死竟何憂

漁洋山人精華錄卷七

門人監察御史崑山盛符升國子祭酒江陰曹秉同訂

候官門人林佶恭謄寫

男啟汎恭閱

漁洋山人精華錄卷八

門人候官林佶編

今體詩

用韻答別容齋說巖二學士訥菴侍讀

憂患餘生見面遲故人驚喜鬢成絲茶盃冷澹香殘處
塵尾橫斜月落時沙磧斷鴻千點沒都亭衰柳數行垂
露襟又作銷魂別不為中年好酒悲

再別李容齋陳說巖葉訥菴三子

長安幾度別忽作白頭翁君輩還簪華吾生自轉蓬王
師縣楚塞羣盜橫關中努力匡時畧歸心滄海東

阜城感偽齊劉豫作

殘堞昏鴉外人烟古阜昌龍蛇逢戰鬪殺鞭慨興亡父

老思宗澤朝廷負李綱紛紛齊與楚一笑對斜陽元裕之

詩河邊殺鞭尚能飛無角無鱗自一齊張邦昌亦河間東光人

過邢子愿先生墓

秋晚犁丘道西風黃葉深婆娑歎官柳惆悵少來禽一代風流絕孤墳牧豎侵通家懷舊客重鼓雍門琴

閱先兄西樵故書泣賦

丹鉛脫手尚依然淚灑蛛絲對舊編南面百城如昨夢河東三篋憶當年縱橫鼠跡承塵上零落苔花廢砌邊痛絕人琴今已矣牙生從此竟摧絃

傷十笏艸堂梅竹二首

西樵先生讀書處

種樹人何在三逢歲暮時夜來風雪裏無復舊連枝

過古城

格孫城外遠烟迷瘦馬凌兢上大堤茅屋幾人輸井稅田家終歲把鋤犁殘碑剥落橫苔蘚古道紫迴長蒺藜陵谷消沉盡如此一聲村落夕陽雞

西堂甘橘初熟招東癡二首

昨宵霜信熟黃甘小閣離離夕照酣為報故人須過飲掛帆何必洞庭南

楚頌吟來憶左徒酒牀新濂待招呼田園別後春蕪長欲買青山種木奴

雪中題七賢過關圖

雲重雪堆門空堂破帽溫風流七賢遠圖畫百年存鳥
沒藍田縣梅開灞水村開元舊詩老招得幾吟魂

題黃鶴山樵畫

憶昨茅齋雪霽時地鑪松火夜談詩春風騎馬長安去
如此溪山坐付誰

呂忠節公輓詩二首

為敬芝侍御作

一自澠池渡風塵天地昏銅駝悲故國龍種失王孫司
馬空居洛巫陽詣返魂長令懷古者流涕上東門
紫陌臨伊岸青山抱洛中散函失天險父老哭遺忠秉
國人誰在騎箕恨未窮橋陵西望近應逐鼎湖弓

為許生洲比部題梅淵公畫

柏觀山中舊草堂溪流綠樹叢蒼白雲谷口不飛去

臥聽松風春晝長

題董舜民蒼梧詞追悼訏士文友

南望毘陵路江流日夜東應徐常調盡嵇呂舊遊空才
子蒼梧怨清詞白苧工依然鄰笛起悽斷夕陽中

送許竹隱之紹興二首

一棹西陵去名山入剡中放衙臨鏡水行部逐樵風江
渚鳶鳥集蘇臺麋鹿空治吳兼霸越懷古意無窮
蟬聲集深樹驛路遍槐花黃鵠逝千里浮雲天涯鶯
啼范蠡宅草長謝敷家迢邇相思處春風滿若耶

夢中作

涼雲止復行水花開更落烟柳夕陽時蟬聲動高閣

送董樵歸成山舊隱

白社何年別威輦相逢颯颯鬢毛蒼飄零楚客紉蘭佩蕭瑟無且剩藥囊隱處神山鄰九點愁來兵氣動三湘水仙操罷扁舟去海水天風萬里長

招魂

八桂荒雲外三湘落照中空城盡豺虎戰士幾沙蟲生死無消息傳聞有異同招魂關塞黑杳杳暗青楓

秦中凱歌十二首

上相乘春西出師至尊推轂建旌旗兩宮絡繹黃封下天廡飛龍賜與騎

新開麟閣賞元功頗牧重看出禁中此去西人須破膽將軍昨日下遼東康熙十四年圖公以副將軍平察兒獻俘闕下軍中歌舞喜投醪令下如山戒驛驛扶杖已聞秦父老王師有詔肅秋毫

天上黃河萬里來巨靈禹掌挹雲臺遙看丞相行營過日射潼關四扇開韓文公詩日出潼關四扇開相公親破蔡州迴

涇原西北駐王師尺一無煩介馬馳共道皇恩天浩蕩不教京觀築鯨鰐

莫愁登龍望秦川休道長安在日邊驛騎流星催露布捷書三日到甘泉

虎狼十萬競投戈不唱三交隴上歌朝見降書來北地

暮看烽戍罷朝那 慶陽固原相繼降

袞衣照路有輝光班劍威儀出尚方大將橐鞬迎道左
萬人鼓吹入平涼

三軍解甲隗窌宮百丈磨崖待勒功欲紀元和天子聖
更攜參佐上崆峒

丹青圖畫上麒麟五等俄驚寵命新未許熊羆歸禁籞
且懸堂印鎮三秦部議圖海封二等侯有旨封二等公

河西三將氣如虹百戰功名次上公 詔下一時齊虎
拜漢朝爭羨竇安豐將軍張勇進爵靖逆侯提督王進寶進奮威將軍總兵官孫思克進涼州提督
三月軍鋒次渭橋旋看飲至紫宸朝空言韓范威名大
五路何曾制羣霄

秋夜

秋氣已沉沉閨中望遠心星河千里雁風露萬家砧鼈
水自嗚咽武溪多毒淫併將思婦淚遙寄塞垣深

得留仙書知將入朮

還吳戀子舍適楚動離心列戍洞庭埜征帆雲夢林寒
潮秋望遠楓葉暮愁侵此去逢漁父休為澤畔吟

寄汪苕文堯峰隱居四首

卜築何峰好堯峰近太湖蓴鱸供客餌橘柚足官租泥
飲從田父題詩付獠奴蕭然山澤裏真有列仙儒
海內紛傳檄烽烟數驛騷算緝諸道急伐叛幾年勞久
已疑吳濞頻聞赦貫高步檐還倚杖中夜首應搔

黃公壚下過感舊每停車哀樂中年事艱難遠道書新
知虛託契老輩久離居生意憐枯樹婆娑畧似渠

欲訪天隨子來過角里村五湖正秋色一棹到閑門林
屋探仙跡咸池問水源嗒然白雲外相對坐聞猿

題江辰六借書圖二首

何處淹留可判年亂書堆裏日高眠何人解似宣城守
手為江郎割半粧

飲馬荆江戍火紅龐晉書客悔雕蟲諸生亦有封侯相
一卷陰符兩石弓

題冒辟疆姬人圓玉女羅畫三首

雪後空庭氣蕭瑟千頭絳竹尚婵娟畏寒凍雀不飲啄

斜日蹣跚相對眠

疎篁寒雀

記取凌波微步來明珠翠羽共徘徊洛川森森神人隔
空費陳王八斗才

水仙

堂堂策策百千頭荇葉菱花滿碧流彷彿吳興騎馬處
江南風色白蘋洲

蘋花戲魚

題汪季角百尺梧桐閣卷二首

別館多梧桐偶此成幽寂獨向高閣眠夜聞踈雨滴
百尺高樓上何人相往還夕陽海門樹秋雨江南山

再題梧桐閣卷

河漢澹中夜碧梧陰漸疎幽人坐高閣秋色滿巖居
竹同蕭瑟蒼苔倦掃除數峰江上好朝夕映琴書

和曹陸海舍人壽良懷古二首

長城自壞復誰尤戰地經過憶唱籌野鳥啼春寺門寂

可憐猶似白符鳩

右鳳山寺檀道濟戰場

鐵鎗名抵周陽五夾寨楊劉各一奇可惜英雄為梁死
不知世有鬪雞兒

右王彥章故宅

荅盤山拙菴道人寄電光雲鶴諸集

曹溪遊萬里酌水問南能世界隨緣住人天最上乘蕭
然白足侶不作紫衣僧寄我新吟卷清涼五月冰

棹亡詩二十六首吳張宜人作

獨卧牛衣哭暮秋

一錯誰能鑄六州葉砧無復望刀頭當年對泣人何在
我愧樊英荅拜時

少小香閨熟女儀雞鳴長自軫風詩君如德曜齊眉日
常送香車緩緩歸

門第河東雙戟圍當年燕子傍誰飛可憐陌上花開後
手淪清泉伴著書

千里窮交脫贈心蕪城春雨夜沉沉一官長物吾何有
卻損閨中纏直善切臂金辛丑春閨中友人許天王公車過廣陵以匱乏

告予適無一錢宜人解腕上條脫付予贈之

樵蘇絕爨未知愁林下風期矢白頭廿載無衣搜畫篋
不曾悔卻嫁黔婁

雪白花紅繡褓齊頻年饋面祝中閨牙牙學語今何似
忍聽驕兒索母啼

病中送我向南秦感逝傷離涕淚新長憶啼猿斷腸處

嘉陵江驛雨如塵

灞橋秋雨望秦川劍閣西風聽杜鵑萬里不歸歸有路
雙魚何處達重泉

三載西風雁影分登高淚盡隴頭雲從今腸斷重陽節

又採寒花醉細君先兄西樵以癸丑秋歿

蚤歲曾期共隱居祇應桓孟得相如青山縱有歸來日

更與何人挽鹿車

鋪首紅秋澀綠苔承塵蝶網任成灰祇餘金縷裙猶在
爭忍無情布施來

遺掛空存冷舊熏重陽閣閉雨紛紛方諸萬點鮫人淚
灑向窮泉竟不聞

肅肅靈風冷總幃亭亭孤月掩重扉寶釵明鏡俱黃土
悔煞秦嘉上計非

帖子宜春認舊題粧樓人去草淒淒東風不啓歲難鎖
一任空梁落燕泥

樓角參差幾曲欄繞欄親種碧琅玕月明昨夜風驚竹
翠袖何人倚暮寒

春前小別死生分望斬新阡宿草墳我似東坡老居士
何年歸哭魏城君

年年辛苦寄冬衣刀尺聲中玉漏稀今日歲殘衣不到
斷腸方秉雉朝飛

愁見新年改故年朔風吹雪欲寒天黃金屈戌中宵閉
長伴鰣魚夜不眠

續絃膠與返魂香碧海青天路渺茫若使少君真有術
不辭千里到稠桑

熒熒薤露葉還低華屋山丘理亦齊四十年來成小劫
匆匆何暇唱黃雞

春事愁中復病中可憐寒食到匆匆故園夢去瀟瀟雨
一樹棠梨照殞宮

藥爐經卷送生涯禪榻春風兩鬢華一語寄君君聽取
不教兒女衣於戲蘆花

陌上鶯啼細草薰魚鱗風皴水成紋江南紅豆相思苦
歲歲花開一憶君

錦瑟年華西逝波尋思往事奈君何若為乞得江郎筆
應較文通恨賦多

宦情薄似秋蟬翼愁思多於春繭絲此味年來誰領畧
夢殘酒渴五更時

聞方山北山諸公連日出遊戲寄

公子春蕪白鼻騮病夫擁褐客天涯城南幾日無風雨

十里徐熙落墨花

絕句

石帆山後黃茅屋一樹寒梅作意香長憶花開風雪裏
卧聞春雨滴糟牀

曹正子邀同家兄子側及諸君豐臺看芍藥晚過

祖氏園亭八首

回首旗亭畫壁時重來已是十年遲應劉逝後風流盡
只有恒河照鬢絲昔合肥公招同公戒苦文諸君遊此今公與公戒皆沒矣

依然春草樊川路竝馬來過覆蓋門記得城南天尺五

綠蕪紅藥水邊村

陂塘點點鳥健出夏木陰陰白鳥飛也似江南好風景
水田一帶學僧衣

宮錦千絲費翦裁說他婪尾殿春益老顛贊欲相料理
乞取齊奴步障來

雨雨風風態自殊花枝嬾雨廉纖鬢絲禪榻心情改
便是徐熙六幅圖

霑溼春衣更不嫌花枝嬾雨廉纖鬢絲禪榻心情改
閑看兒郎插帽簷

沙禽一一事高格烟柳斜陽初弄姿更愛風標兩公子

水荭花外立移時晚晴賦白鷺潛來予迎風標之子

水檻清涼跂腳眠菱花荔葉一溪烟阻風中酒年年事
絕憶春江上水船

友人送白蓮花為詠

無復澄江載酒船
折枝猶帶五湖烟
香來月白風清裏
花放叢祠水驛前
鴨唼池萍微雨後
屏垂簾押夕陽天
魯連陂上新秋色
觸忤閑愁又一年

初秋示董蒼水

零落交遊感式微
與君邂逅忍相違
隆中自許真名士
殿上誰知大布衣
越燕巢空秋近社
鱸魚風起夢思歸
先生未是平原客
玉貌塵中見亦稀

張員外園亭送金山人歸越

客有越鄉感抱琴辭上京
離堂秋月色別思夢鴻聲水

國三十里水絃一再行成連阿處去今夕獨移情

金孝章以壬子冬畫梅寄予兄弟今年矣丁巳

七月先生之子祖生至京師始見之而先生與
先兄考功皆已下世愴然賦詩四首

拗取銅坑玉一枝
江南春贈隴頭時到來
已是塵沙刦
賦得瑤華欲寄誰

維摩方丈幾黃昏
春草禪房日閉門
成佛生天兩何處
暗香疎影為招魂
十笏先兄堂名春草開房先生所居也

花時鄧尉夢無聊
十七年來似暮朝
恨不相攜風雪裏
短蓬同繫虎山橋

當年五字寫紫桑
又寄孤山世外香
一幅生綃千載意
也應配食水仙王
辛亥歲先生寫陶詩見寄

西蜀

唐家宰相迴翔地漢代公孫割據秋劒閣嵯峨仍北向
彭門波浪自東流風雲諸將爭秦棧鼓角中宵夢益州
何日西南銷戰伐浣花行樂看遨頭

哭公載吏部二首

零落親知更有誰聞君訣去不勝悲彈琴古調千秋絕
說劍雄風一代奇舊館脫驂應出涕天涯磨鏡是何時
故人雙鬢蒼浪在賸欲刊君第二碑

廿年藝苑忝同遊迴憶音塵淚不收結客曾傾四公子
論兵欲動五諸侯星名故人半化遼東鶴世事終輸閣道

牛子安君文纔幾日可憐馬策動西州

丙辰春先生以全集寄予論次

見北山遊西山詩示謝千仞

吟眺清暉思不窮昔遊如夢幾人同憶君共蹋西山雪
坐聽清猿萬木中

山茶雪兔

石罅猩紅透幾枝花間東郭眼迷離漫天風雪鷹初擊
正好營君三窟時

郭河陽雙松平遠

為牧仲題

石骨凌嶒五鬣盤河陽筆底傲秦官興亡七百年朝槿
留得蒼蒼耐歲寒

孝昭皇后挽詞六首應制

金甃流塵掩瑤齋寶幄空禁花零曉露苑柳泣春風思

婚傳千古深恩徧六宮唯留歌詠在應與二南同

上壽 慈寧日人知內則賢徽音殊未遠 文母至今

憐淚濺鶯花色神傷祓禊天淒涼餘故館猶近濯龍前

祕殿傳金策神人覆玉衣四星初應曜一鑑忽藏輝脫

珥言猶在乘雲馭不歸 皇情宵旰切永巷漏依稀

萬乘親臨送容車出國門羽儀辭禁掖笳鼓望陵園素

旆浮雲慘青山落日昏臣民同雨泣哀動鳳凰原

西汜沉寒月中天澹夕陽愁雲低壠樹春禁罷公桑楚

挽蘭風寂虞歌薤露長通靈應有夢可到 紫宸傷

渺渺沙河道淒淒玉輦空綺疏扁夜月總帳肅靈風故

劍

皇心切

謂

祠官禮數同榮名綸綺貴早賁九

原中

蟬

雙樹有鳴蜩孤情伴寂寥自緣飽風露不肯逐金貂驛

路關門雨斜陽浦岸潮年年行役處為爾樂魂消

為尤展成悼亡二首

時子喪張宜人三載矣

三年明月鑒虛帷那更吟君惆悵詩不分阿灰腸斷句
黃昏微雨畫簾垂

金昌亭下柳毵毵長記烏啼送曉驂風景不殊人不見

謝家飛絮滿江南

陳其年索詩送王生之襄陽

試說襄陽好曾遊路不迷江帆過峴首水竹繞檀溪市

上江陵估機中竇氏妻不知征戍後誰唱白銅鞮

遙題王咸中石鷗山房四首

我愛堯峰叟

汪鈍翁

憐君比屋居雲林交罨畫烟火共村墟

顛倒牀頭屐逍遙谿上漁漢陰雞黍約今古意何如

高情耽野逸文采舊清門跡與市朝遠心將達者論飛

泉晴界道修竹雨連村誰識逃名客蓬蒿方灌園

心遠地仍偏琴書雜坐眠湖霜收橘日社火焙茶天人

意孤雲外山容太古前叩門田父至襏縷亦欣然

筆墨誰能事吾宗今右丞

茂京作石鷗圖

悠然輞川路寫向剡谿

藤短筠宜行藥空林偶飯僧片帆天外影興到直須乘

送宋牧仲員外榷贛州四首

都亭一樽酒落日照行斬帆下潯陽郭春過敷淺原故

人持使節微尚愛丘樊想到西林寺清吟和夜猿

文成誓師處慘澹尚聞笳野戍青山遠荒江白日斜春

風渡蛟浦夜雨宿龍沙戰地多新鬼須添兩鬢華

章貢水流地孤城百戰餘江山應不改父老問何如五

嶺稀烽火三湘動羽書似聞兵馬後租賦未全除

後月餘

有旨盡歸江西逋糧

贛石三百里寒江尺五流帆檣來島客風物逼炎州試
訪端明蹟應懷清獻遊山川供嘯詠莫似賈胡留

九日寄說巖院長訥菴學士

云向同內直

次寥天氣渺愁予無恙黃花伴索居江介鼈鼈聞漸徙

時聞茶陵鄉園鴻雁近何如千門落照涼飈發一片寒砧
湘潭捷

木葉疎遙憶故人清切地登高彩筆奉宸輿

以昌樂筆送容齋閣學戲成

承旨歸來每日曛揮毫猶是張_{志聲}吾軍只愁坡老三錢
筆難稱郁公五朵雲

荅徐東癡隱君小雪見懷之作

積雪東原路孤村似剡溪幾年阻乘興千里憶幽棲凍
雀紫門掩寒烟古木齊不逢洛陽令僵卧到晨雞

題龔節孫種橘圖二首

震澤鱸魚欲上竿千林風露熟金丸美人無事披香坐
領得頭銜是橘官

會稽內史風流甚三百封題引興長何日扁舟洞庭上
與君小摘滿林霜

題其年填詞圖

玉梅花下交三九_{其年詞句}紅杏尚書枉擅名記得微吟倚東

閣梅花如雪撲簾旌

洪昉思送湖州茶笋二絕句

愛道前溪似若耶行勝歸去便移家匆匆未訊溪山好
第一先分顧渚茶

周妻何肉斷根塵玉版聊堪結淨因贏得武康班竹笋
從今休笑庾郎貧

二月二日大雪晨起懷愚山淵公耦長

夢覺聞飄噓虛窗徹曉明蕭條同委巷悵望倚簷楹寒色饑禽語荒堦折竹聲雙羊風雪路留滯遠含情

雪中簡秦對巖

第二泉邊路扁舟落鏡中林塘春命酒風雪夜推篷別鶴吳田渺歸鴻梦塞通朝來吟望處流霰滿房櫳

和施愚山喜梅耦長至

新詩冰玉質故人蘭蕙芬相逢姑射客宛對敬亭雲雪色融春霽清談入夜分翻憐金錯贈十載託殷勤

題蘇臺楊柳枝詞後二首

汪鈍翁編修首唱吳越和者數百人
不似蘇州柳最多多樂天詩也

今日鈍

白家半格詩曾見愛說蘇州柳最多

汪鈍翁編修首唱吳越和者數百人
不似蘇州柳最多多樂天詩也

今日鈍

翁吟卷裏雨條風絮奈君何

雁齒紅橋鴨嘴船艤塵風起豔陽天明湖憶得吟秋柳慘綠當年最少年

予賦秋柳詩時順治丁酉海內和者亦數百家

送吳僧尚德歸堯峯

迢遞青山路風流白足師安居深雪裏行道落花時京洛過寒食江帆拂柳絲歸蓬尊宿問應識馬駒兒

送吳天章歸中條

中條最深處風物四時幽水鶴穿雲下林楓夾岸稠人烟盤豆驛村路玉溪流卧起清暉裏蕭然何所求

送董蒼水歸雲間

昔作甌閩客漳泉正合園江瑤驚旅食山鳥怪儒衣邊徼逢人少諸侯好士稀長篇猶在篋感激涕交揮

蒼水閩

歸有見寄百韻詩

精華錄卷八

送鄧孝威授正字歸海陵再示豹人

當年綺里季曾友夏黃公共詠紫芝曲俱棲巖穴中鬢
着驚漢帝羽翼緬高風一出還歸隱白雲商洛東

送山史歸華山

華山丹頂鶴清唳向西峯不羣三珠樹長棲千歲松林
巒有佳色眠起日高春石上流泉好菖蒲方紫葦

送吳僧秋臯之津門

上人有句云鳥啼殘雪樹人語夕陽山

愛君殘雪句宛似碧雲篇獨向中峯住深參五味禪直
沽春水岸通潞夕陽船乞食王城去遙聞袒右肩

題顧艾倫雪灘釣叟圖二首

垂虹秋色東南好雨笠烟蓑送此生今日三萬祠下過

唯君不愧隱人名

彷彿桐江百尺臺傍人漫作客星猜投竿一笑烟波外
陽鱣紛紛入釣來

送宗梅岑歸淮南

相逢纔幾日復欲返東原梁父雲間樹蘭陵雨後村雄
雞能斷尾野鶴詎乘軒一葉邗溝水隨潮到里門

擬山家閨怨戲為鈍翁編修作

璇璣賦罷氣凌雲下直金蓮每夜分那憶璇璣圖上字
錦機辛苦寄回文

送李鄭臣赴東安

我愛瀟湘水粼粼見底清稍聞征戍罷遙送使君行別
浦石蘭長叢祠斑竹生經過道林寺沈杜有題名

午睡

蘄州笛材好八尺含風漪恰稱龜茲枕閑拋玉局棋涼
蟬陰卓午花鴨水平池富貴浮雲耳寧須熟客知

蠅

幾日亂朱紵商飈欣掃除孫郎彈不易戎子賦何如瑟
瑟涼初至營營計已踈何來遽集此往事笑中書

與陸冰修

我愛辛齋叟蕭然無世情笑看公府辟夢憶故山耕斜
日樹交蔭微風蟬一鳴知君入境外寐莫道心生

初秋索梅耦長畫

詩到無聲足卧遊雨窓含墨對清秋不知鄉思今多少
祇寫澄江與北樓

送李武曾之鳳陽郡幕

武曾嘗客公載吏部近有樂府後補題
諸調最佳

年來巖谷覩春姿誰遣青松獨後時七月僧廬常避客
八公山色又臨岐故人惆悵題襟集好句玲瓏散水詞
此地正連清賴尾西州應有淚如絲

送米修歸海昌兼寄朱生二首

且住為佳耳將歸可奈何人隨吳雁影葉下浙江波好
往尋鱸鱠誰當破雀羅小叢今老去重唱竹枝歌
子戊申歲送米修南還賦竹枝歌三首今十二年矣

老大身將隱飛揚氣自雄遊燕交馬客歸越事猿公仙
飯青精飢諸儒白虎通故人朱季在何處駕飛鴻

送李屹瞻歸涇陽

故國傳烽火歸來弔戰場三秋看太白萬騎塞陳羣射
虎身猶健聞雞意不忘悲歌燕趙別風雨又重陽

送葉井叔歸樊上六首

今日華陽館誰當是劇辛重陽一杯酒風雨送歸人
秋盡黃州路千峰送馬蹄夢回山館裏落月汝南雞
斷岸黃泥坂寒江千尺流羨君歸去好雲夢澤南州
舊業在寒溪門前五株柳遊子到家時日上樊山口
西山松櫪多谷口好泉石君登九曲亭蘇公有遺跡

我夢石魚湖依依問聲叟試尋修竹林為子安井臼

花燭詞二首戲為鈍翁賦

鈍翁既改官翰林徃迎兩如夫人皆不行而為別納小姬因賦是詩

碧玉廻身奈此宵汝南雞喚夜迢迢從今倦聽蘭臺鼓
莫更熏衣事早朝

羸女吹簫引鳳雛莫將縗素怨狂夫似聞一語分明寄
我見猶憐況老奴

雁

五聽長安雁征夫猶未歸重城聞撫練幾處寄寒衣雲
夢雪中去瀟湘蘋際飛沅州射生滿好避弋人機

題汪鈍翁洞庭詩後

蒲帆十幅逐沙禽罨畫湖山次第尋香稻炊來鱸切玉

高林霜後橘懸金且招龍伯閑投釣卻笑鷗夷苦用心
兩洞庭前三萬頃不能同上上頭吟

跋傅形臣侍御楊柳枝詞後

衣上明湖舊酒痕漢南昨夢苦銷魂仙人有恨看銅狄
羌笛何心度玉門斜日靈和春殿樹西風清弋晚江村
艸芳城畔新吟好只似三生石上論

問鈍翁編修疾

先生方丈似山茨聞道維摩病起遲乍可心情同木石
依然談笑却熊羆坡詩此老神完中有
恃談笑可却千熊羆別裁偽體時流忌獨抱
遺經後代知遙憶玉堂清夜夢雪中花塢水邊籬

又戲呈鈍翁二絕句

藥鑪經卷日相親隱几蕭然遠市塵聞道姬人怨服散
也須料理苦吟身

紅牋枕畔辟寒犀夢覺時聞烏夜啼若使清齋三百日
箇儂何異太常妻

為愚山侍講題嚴蓀友畫

山氣化雲雲作烟幽人蓑笠不知年清谿曲逐楓林轉
紅葉無風落滿船

送鄭郎赴粵西幕府故郎中次公子

當時紅旆向西川水部風流似鄭虔被酒共眠金雁驛
分題多在浣花牋故人一別成千載公子重逢又十年
去謂征南年正少牂牁春盡水如烟

寄題鮑聲來草庭

愛君三徑好芳草滿南榮微雨過時綠春風吹處生紛
紜書帶色瑣細楚騷名不是江潭客休悲颶鶴鳴

謝梅耦長送木瓜

宣城木瓜壓西洛秋林黃處滿寒烟寄來修竹明窗底
留伴疎梅小雪前橘柚初包難遠致楂梨雖好未須憐
相思愧乏瓊琚報重賦風人第一篇

辱耦長枉酬佳作有方物昔年勞入貢之句偶倣
義山體再報一首兼邀施愚山陸辛齋同作

作貢當年事已陳烟林搖落重含辛空臨謝眺城邊水
不逐唐羌驛路塵灰可藥魚妨稚子香堪潰松教姬人

北宮賦後情何限解使韓宣賦更新

賈兵部改中條別業為巢雲菴索賦

右丞輞川宅江令攝山居本自香林境宜繙貝葉書花
藏共命鳥池長放生魚已悟非身義何須演康車

冬夜大雪

時王師方取蜀

翳翳窮冬雪蕭蕭天北風清思戴安道壯憶大梁公
寂寞剡溪興蒼茫洞曲功聞雞不成寐松火夜深紅李愬弟
德亦封梁國公杜牧詩人稱小太尉國號大梁公

聞奮威將軍保寧大捷

秦軍四道出巴庸在德何勞設險重寶玉大弓歸魯廟
華陽黑水盡堯封實人箇布寬新賦王祭包茅問舊供

遙憶師行過枕席劍門千仞削芙蓉

冬杪卧疾寄愚山辛齋耦長

閉關當歲晏窮巷少來車免豈相如病交宜叔夜書松聲含淅瀝雪色照清虛獨愛文殊好時時近起予

喜聞官軍已復保寧

大將臨興勢神兵下武都地中鳴鼓角天上拔蝥弧困獸誰能鬪長鯨竟就誅錦屏連劍閣絕壁勒銘無

二月六日雪荅梅耦長兼示陸冰修

長安春雪好作態故霏霏乍入幽蘭曲真疑柳絮飛故人同委巷曉色共清暉且擬調湯餅比鄰問陸機

同愚山侍講弘衍菴看海棠東梅耦長四首

韋杜城南十萬家東風處處酒旗斜不知冷節匆匆過猶見僧樓一樹花

木魚聲靜佛香遲日午風簾自在垂好是維摩方丈室

恰逢天女散花時

沒骨天然別有情風流何處錦官城會禽圖裏依稀見安得徐熙為寫生

平陽池館亞枝紅移入香林便不同莫為叢殘自憐惜梅家詩體擅江東耦長先有三絕句

送張仲誠知資縣

不憚三巴遠高名萬乘知子規聲斷處山木雨來時囊有涪州易園無魯相葵王褒諸弟子應習康鳴詩

金華金石錄卷八
十一

齋中三詠

金孝章畫梅俊明

鄧尉花時雪幽人日往還生綃纔半樹忽憶漁洋山

徐昭法畫芝炳

天池白雲裏寫此商山姿感君黃綺意勝食齋房芝

王玠右草書光承

逃名東海上時復帶經鋤自是高人筆非闢餓隸書

送江辰六令益陽二首

作吏湘南去浩然尋舊遊秋風吹木葉初下洞庭流城
對茱萸岸香傳杜若洲毬門高唱在重上岳陽樓

小邑稀公事高齋俯洞庭佳期邀帝子遺曲感湘靈濱

送同年伊翕菴中丞巡撫雲南二首

金馬山前駐碧油青蛉塞外陣雲收天威近已通諸

賤王會依然徧九州銅弩兩深諸葛壘叢祠春賽頽川
侯鏃歌鼓吹征蠻府萬里昆明是壯遊

柏臺新命帝親除重譯西南罷羽書誰將朱鳶皆內
屬越人黃屋竟何如賜來天廐飛龍馬行避中丞赤棒
車荒服祇今勞睿慮要令絕域化耕鋤

雨夜再題梅瞿山畫松

林燈明暗雨模糊雷電冥冥夜氣孤破壁長松欲飛去
曉來疑是坐龍圖宣和御府所藏有僧傳古坐龍圖

供奉某君歸吳門索詩四首

米芾金石考

玉斧森沉罷講迴承恩別殿午仍開凌烟將相尋常事

曾寫龍顏日角來

歸釣吳淞四十鱸手炊楓葉飯雕胡卻思待 詔蓬萊

上細寫淋池研簾圖

弄筆明窗作卧枝寫生妙處幾人知篋中藤角光於水
貌得蠻鳩義燕兒

一片青山短簿祠夕陽花隱帶茅茨歸心便逐江鴻去
已過橙黃橘綠時

聞道

聞道降王入經時尚濟西徘徊為怪鳥進退類藩羝鐵

劵功何在金牀夢已迷回頭都鴟遠不必怨然臍

答劉子羽見懷

聞君卜築處舊傷瑯琊臺海氣秋逾遠濤頭日幾迴秦
封猶廣麗石刻自莓苔想像高吟罷鯨魚跋浪開

閨中秋夜不寐悼亡時張琳入役四年矣

商飈淅淅響庭除竟夕蘭膏映綺疏閨氣經時驗梧葉
月華重見溢方諸紅牆銀漢途難越碧海青天怨有餘
怊悵江東謝希逸芳塵凝榭欲何如

進馬庚申閏八月奮威將軍王進寶自固原進馬二十匹

聞道安西將龍媒貢 御新篳雲近闇闔行地有駒驥
險阻三巴路驥騰百戰身長鳴思駕馭終為靜風塵

聞蜀警懷茂衍大參

行李艱參井何時達錦城懸軍今益部設險古南京夢
府公孫壘瀘江漢相營艱危望消息天未休兵

不得宋荔裳妻孥消息

宋玉今終古西川信未通九原悲馬鬣八口寄蠶叢想
像離綿竹艱難出大蓬猶聞豺虎亂不可汎巴東

漁洋山人精華錄卷八

門人監察御史崑峩盛符升國子祭酒江陰曹未同訂

候官門人林佶恭謄寫


孫兆鄼恭閱

第35651号

平成 3.11.22

和學人館
聖園短書

928
辛
3



唐

